

寵  
眠  
風  
雅

卷十七之二十



龍眠風雅卷十七目錄

木厓潘 江蜀藻輯

吳江徐 崧余之 叅

同里方中履素伯

李遇芳 十二首

齊琦名 三十三首

方學御 一首

齊萊名 七十一首

吳廷簡 一首

方之璧 二首

李正時 二首

龍眠風雅卷十七

木佳潘 江蜀藻輯

李遇芳

字德林號庭實萬曆中諸生博洽多才豪于詩酒所交皆海內知名魏遺多金輒緣手付去家徒四壁纔蔽風雨而嘯咏不輟時以方之孟襄陽所著有棲玄閣草

席上荅胡賓甫問余隱居

君問儂居處新居古道傍短墻茅屋淺野圃豆花香村釀提壺醉松風到枕涼柴桑五柳宅此地或相方

初秋集孫烈卿齋頭同古度尚玄賦

雨歇生涼月言追卜夜娛市囂容大隱彥集著山癯叢桂滾清露名香冷博爐成樓驚曉角似欲索詩逋

古道菴晚眺

東南山色鬱龍從，蕭瑟高臺落照中。江上橫連三楚樹，  
窓前透注九華峰。到來絕頂塵氛遠，坐對秋風霜葉紅。  
向夕不堪鐘磬度，山山都是白雲封。

次韵和鹿野上人贈別上人產黃梅久遊吳越晤

于蘭谿

浪遊漫擬是遊仙，邂逅何緣花雨天。楚國舊憐家不遠，  
蘭江新共月初圓。鉢傳午夜黃梅渡，錫挂三吳白社烟。  
何日再來揮麈屑，法筵親見吐青蓮。

春日送楊古度嶰谷遊皖

伯通廡下共杯盃，一日分携起再吁。驛路春晴調鳥語，  
石塘風暖挂魚罾。烟薰陌草抽詩思，柳引山村問酒爐。

想到練潭分手處，脊令原上兩相呼。

寄陳九旭聞同細君病

望盡南天思不禁，蕭條惟有托長吟。稔聞司馬多消渴，  
莫遣東家效捧心。稻蟹正肥杯未把，江魚初割字難尋。  
相期雪色梅花夜，覓爾村醪細細斟。

晚眺

千林朔氣正蕭條，箕踞憑高四望遙。晚照氤氳飛野鶴，  
寒空颯沓下霜鷗。訪僧客去穿松徑，送酒人來渡板橋。  
歸到山房薄醉後，龕燈隱隱興翛翛。

水中雁字

一抹蒼江譜帖留，淋漓潑墨點清秋。欲將古籀藏龍窟，

故遣盟書到海鷗畫破先天摹混沌塌翻倒影映瓊樓  
兩痕釵脚都奇古却讓翎鋒別樣道

初晴飲村中

一春閉戶愁陰雨今日初晴喜出村好鳥變聲競報節  
老農留客快開尊欣然一醉無賓主倏爾高歌忘夕昏  
瘦馬衝泥歸路怯牽衣兒女笑迎門

訪林渡之山中

朔風吹雪事孤征駐馬山中問友生自啟柴關相笑語  
旋呼村酒話生平風塵念我常為客詞賦看君定主盟  
鎮日淹留拚一醉杯杯都是歲寒情

美人看花圖為袁聖基題

羅幃恨無侶早起對花語妾心那負花不分郎愛汝

南舒踏青

招呼姊妹出城遊踏徧城南柳陌頭共道春遊消百病  
那知翻去惹春愁

齊琦名

字越石號羣玉萬曆癸丑進士以大理寺評

實出其門轉戶部著有清屯紀略出知紹興府諸  
生執經問難接待如家人寒峻中有宿學或賦異  
才者皆尉薦之性坦率絕公崖岬為上官所齟齬  
投劾而歸其為詩天然不假雕飾古文辭極為馮  
具區湯霍林張侗初鄒臣虎諸耆宿所推服家居  
不事生產深衣幅巾與親舊劇談不倦後生單門  
有一言之善寵借不置每丙夜趣子弟披衣  
起討論古今娓娓達旦所著有慕草諸稿

鳴鶴篇

昔前有病鶴籠自北海濤脩脩六翮短卑棲無修林瘦

影聲淒涼月白松森森一鳴海天高再鳴海水深羣鷄  
不敢叫有子和其音如聞訴倦飛將歸九臯陰胎仙非  
弄物籠者獨何心

晚途遇雪

屈指長安日浮雲復許同饑鳥劇作雪倦馬怯嘶風白  
漫千谿失暝分一徑通轉憐憑軾客詩思在其中

飲米仲詔古雲山房

積想湛園勝良宵快此尋蟾光淹暝色石氣散秋陰顛  
合三生具交從一往溪不知朝市裏別自有雲林

輔兒加冠詩以醮之

尋常見總角倏爾肇加冠已責成人禮那能弱齒看命

名翁鄭重著代祖艱難况復需才日崢嶸慶有端

元振浴佛日舉甥命名佛護詩以祝之

佛日佛須送佛前乞護奴門占龍是種簫引鳳將雛勞  
女甥能慰弱孫弟解呼最憐湯餅宴偏得老夫俱

潘石乳都憲開府兩浙卽會稽舊吏與有光寵感

知惜別乃不知情之所至而作是詩

此際易成別羈懷難具陳臣無當所主君不避爲親舊  
履聲猶戀新銜夢已頻應知開府日勤問拂衣人

寄贈王伯穀二首

相府推才子清朝假逸民黃金揮結客白首不依人隻  
字遐荒購千函洞壑珍江湖元浩蕩詎必上星辰

音耶屋牙卷十  
一代倩誰識千秋仗爾聞詩還驚沈璧宰豈斬羊裙老  
大心雙切艱虞痛獨分尊時寬鼓楫松院竊餘芬

秋閨

已識征人苦翻驚朔雁時明河趨鵲駕織月隱蛾眉寶  
曆情無力疎燈影自疑歸期不自擬瓜苦正離離

哭亾姪君求太史二首

溘爾厭浮世偏爲夙所親瀛洲長往客栗里獨歸人杖  
屐呼無謂門庭顧自嗔殘經成絕筆掩袂泣窮麟  
家以一人重身于萬累輕強年遂敢死晚節欲何生大  
慰固公等垂憐或聖明向來書囑付蚤慮特時名

客卿太史南遊還慰訊

盈盈烟水悵菰蘆太史名遊迴自孤蒼狗繁華空六代  
雕龍詞賦失三都浮沉金馬甘岑寂湖海真人覓有無  
浪迹只今成一笑郁輪可許謁吾徒

遙憶王化卿方赤城遊浮渡

浮山六六鬱崔嵬遙憶登臨二子才霞起石龍秋不斷  
鶴凌金谷月同迴千年勝地開新賞一日留題失舊裁  
自是少文遊不淺謾嗟籬畔獨徘徊

贈豐城譚端甫

子虛賦手舊登臺新識遊印司馬才一榻古今高士重  
雙龍風雨大江迴尊開海月排空上歌動峰雲擁戶來  
莫向秋深悲故國客中猶有弟兄杯

去越吟三首

攬轡東巡課績年  
暮年報殿聖人前  
陽城幸免催科考  
卽墨何須左右憐  
轉眼清堂輸是座  
驚心白簡署爲權  
休言逐吏無根底  
博得殃名總憲傳

風流畫諾事全更  
悔說山陰道上行  
賭墅雖然望謝傅  
飲徒不解與劉榮  
鵲巢撇去由他侮  
馬角歸來使我生  
好是錢江遮道叟  
底般還說使君清

蕭然官閣倚嶽岑  
到是雲巒負夙心  
據几長年無得句  
抽簪此日但行吟  
丹楓罨畫應難指  
黃菊江邊不費尋  
總爲歸田饒勝事  
肯從海郡問升沉

元日卽事

長樂疎鐘喚客遲  
天心清切小臣知  
韶光瑞應堯階莢  
春氣溫回漢省枝  
盛有恩華分上苑  
將無寒谷挺幽姿  
只愁雙鬢經年換  
不似東風問嫁時

送王季孺太史冊封代府

西北諸陵氣鬱葱  
詞臣飛旆入雲中  
經行土木前朝恨  
指點山河列鎮雄  
桐葉遠銜天子詔  
蘭臺還賦大王風  
勒銘無事燕然石  
九塞今稱五利工

送陸從事赴遼陽

御苑東風送客過  
共看芳草有離珂  
西山晴雪鴻邊盡  
北海春雲馬上多  
地險時窺玄菟郡  
天驕夜遁白狼河  
知君幕下參高畫  
諸將何時議止戈



元日卽事二首

王春春色媚先春敬聽春陽詔布新天語早聞闐闔近

丙寅朝罷自庚寅

萬曆庚寅元日始輟朝御

常年隨例祝元正此日重闔隔火城遙拜袞龍瞻瑞日

依稀車馬散朝聲

黃鮮生得吳姬感賦五首

此姬予先鑒定以他故阻若留待鮮生然

尋得仙源路不賒女墻樓畔是他家瞥逢無語深深拜

半怯人前半掩遮

鄉土儂家記渺茫阿娘常日話吳閫儂心但羨鴟夷子

不問香塵響屨廊

瞥辭女弟瞥辭娘嫁得仙郎自主張一語出門娘記取

尋常小燕入雕梁

三朝梳掠慵無賴鬢髮堆鴉淺淡粧長日背郎消底箇

爲郎結就錦鴛鴦

睡起朦朧喚女丫催粧佳客點新茶側聞客語郎相似

是否前朝過妾家

余承匱御馬倉差將告竣適奉帝后龍輜之役于

兩水河督放芻豆故事草場計郎例不督放此

中耗蠹蓋難言之撫時感事輒得五首

御驥無由問一毛額芻歲歲委凶饕卽今委吏勞監放

知道誰塲馬脊高

國計年來借箸勞倉塲鼠腹長兒曹不知市駿金多少

粟比黃金臺更高

上方驟裏控金羈賒得中官醉倒鞭可似債軍轅下骨

一羣斷送一羣錢

天馬天心况內家驍騰高傍五雲車如今萬乘將巡幸

不比長年望翠華

飛龍汰馭左驂參列觀今番政若何計日大宛徠汗血

小臣願獻執徐歌

輔兒試琴

轉弄何曾雜履霜娛親直欲引高張誰能寂寞烏啼夜

不向清徽命一觴

方學御

字名卿萬曆間歲貢少者學夜讀倦小憩取量覆燈覺則啟之讀如故以諸生久次貢干

廷授廬州府教授貧而贊者郤之從子大美代巡河南道經廬州郡守方張具延款徑屏騶入廣文舍食厯五豆霑醉而歸從子中丞大任曾執經公門終身弟子禮惟謹即公之行誼可知矣升臨湘知縣清惠著聲試士躬自校閱拔五童子薦之主者皆獲雋其父以筐篚進公曰吾薦若子以文若顧報我以賄乎有童子劉弘功弘化僑寓監利或以肩籍託賴公力得免卒補弟子有聲場屋其銳意作人如此卒于官舍士民奔哭者數千人至為罷市所著有春秋左傳類編傲龍門紀傳之例惜遺佚詩亦不傳孫若珽若琮以絕筆詩一首見胎猶七十年前署中手澤也

絕筆詩

薄宦乞骸無早見諸兒執手倍傷情湘中那有鬱林石

羸得輕舟載月明

齊萊名

字朱草萬曆間諸生紹興守羣玉公之季弟也公故名家子慧悟夙成讀書過目不忘年十四為文驚其長老學使者深激賞之試輒弁冕多士以數奇屢踏省門不收憤懣無聊益肆力詩

古文辭精研六書篆楷行草皆入品格擅一時文  
人之譽至其風神所異幽情遠韻儵然有出塵之  
致素善病體弱如不勝衣詩文甚夥惜爲兵燹委  
散僅存者青莎館集淹雅溫麗自成一家其子山  
捐資鏤版予爲叙而傳  
之而節存其尤者如左

秋日同重客越石兩兄飲中莊

小酌緣青岍分題坐水濱荷深全隔暑樹古半摩雲牧  
豎喧風笛溪農亂晚耘興新忘聚久看月醉紛紛

雨中集陳席之草堂

衝雨貪幽賞閒攜叩午堂礪雲寒抱戶砌草綠齊牀李  
綻初舒白鶯穿小閃黃高談雙耳熱趺坐任徜徉

病卧遣悶二首

清齋高伏枕風雨送春回曲檻茸紅藥空除繡綠苔覆

棋辭客去問疾有醫來蠲渴何方可檐前正熟梅  
竹院清陰合朝來爽更增露涵花石淨沙煖水雲蒸服  
氣從方士談空傍老僧稚兒教寫字臨得趙吳興

泊觀音港

纔脫籃輦苦孤帆坐石尤風鈴喧寺塔漁火綴隣舟落  
日千崖雨寒江二月流十年飄泊恨此地復淹留

望金陵

瘠馬驅還却金陵睇不遙江山高王氣臺榭贍前朝燕  
掠城頭雨人穿樹裏橋大堤春月柳濯濯向人驕

中秋偕諸從諸兒小園坐月

好月知時節微陰作意晴初從雲隙破轉向夜深明空

外摩鴻影沙頭落杵聲坐看清不厭涼氣隔林生

壽吳客卿太史先生三首

視草承恩列紫薇早年天放遂初衣青蓮白石窺禪意  
鳥倦雲還悟息機高適詩成名久重葛洪丹就願非違  
蒲團客至清談後如意天花信指揮

拋却鑿坡訪碧溪應身真是證菩提朝修玉液仙人露  
夜校金書太乙藜人卧經床雲共寂月明松徑鶴閒棲  
憐余慧業慚成道可許金籠一指迷

圖懸五嶽卧中看直作烟霞老籜冠禪榻木魚歸後課  
石渠金馬舊時官竹間饌客厨烟碧花外迎僧夕照殘  
聞道東山勞聖主可容強起下蒲團

雪姬

粉膩輕描暈未乾裙拖八幅是冰純玉腰怯向風前立  
素魄偏宜竹下看滿月新開妝面好落梅倩點額痕寒  
夜深無語凌波濕似爲傷春獨倚欄

喜聞越石兄捷報

徙倚空庭側耳重驚傳天外寄泥封十年干鏌憐孤擁  
一日風雲訝忽逢喧戶隣朋爭雀躍衰顏慈母失龍鍾  
懸知得意長安日夢繞池塘恨未從

暑中飲黃石環齋頭

路轉林塘卜築深參天古木晝森森花亭闔局風聲細  
石嶼張尊草色侵忽散浮雲窺檻霽何來片雨入樓陰

酒酣遮莫催歸騎扶醉看予倚竹吟

別康侯

文酒纔聯白社盟對君未幾送君行人從藩邸窺龍種  
客在臨邛重馬卿雨歇江亭看遠岫花深驛路聽啼鶯  
石頭城外娼樓柳莫遣長條繫客情

晴

舟居數日多風雨昨夜嚴寒忽放晴石貌水紋生氣色  
汀花岸柳弄鮮明漁翁曬笠撐船出山鵲梳翎踏樹鳴  
萬舸揚帆齊伐鼓饒他病骨也應輕

夏日村居六首

清溪一曲遶橋流小築依村事事幽草色沙痕描壁上

茶經藥帙滿床頭起晴貪看將雛雀呼雨旋愁逐婦鳩  
丘壑端宜置病骨箇中滋味任揅求

多病年來似馬卿團焦獨擁澹無營泉烹蟹眼防茶老  
香熟龍涎引榻清石竇流雲深出沒池塘夏日半陰晴  
醉來赤腳磯頭坐不盡天風兩腋生

移家剛得一年餘常日偷閒髮不梳款戶幸無結駟客  
攤床時有換鵝書衡門沁水身偏適菜圃瓜畦手自鋤  
不是清狂學慢世得吾簡懶得吾愚

卜居底事水之涯喜接南塘路不賒闢徑縱然新地主  
錯居仍是舊隣家迸墻新笋輕含粉炙日朱榴爛著花  
出對快從人面熟閒來尊酒話桑麻

半畝林塘景物饒暫將生計付漁樵日暄荇藻添魚子  
雨潤階除長藥苗宛轉曲房通細路參差野樹出平橋  
凭欄夕照千峰外百道霞光應接驕  
林烘暖日午鶯啼拉友扶筇信所之纔向溪頭聊命釣  
偶來松下一圍棋風搖竹翠侵髭几雨約荷香逗野陂  
却愛隣翁能好事開尊饌客劈江鱖

斗門山莊

日長常是枕流眠袒跣山中事事便埽石隣陪池閣飲  
開軒鳥掠竹厨烟輕雲出峽屯花塢細水廻村灌稻田  
曳杖微茫青箇裏半規小月吐峰巔

刈稻

水耕火耨經年瘁女銍男輸又一秋露白莎鷄吟草底  
稻黃池鴨繞場頭溪村日午烟初薄遠浦農歸雨未收  
徙倚柴門舒野望微吟獨酌坐溪流

梅花四首

澹抹輕揩取態工肌膚姑射許能同半痕淺映簾前雪  
數朶清飄笛裏風夢繞香魂迷夜月妝嬌粉額點深宮  
漫言庾嶺枝頭色也在村家曲塢東

管領春風隔歲寬開時偏向竹松殘爲憐素魄移尊近  
欲折高枝出手寒雲暗烟榮光擘擘冰團電結影珊瑚  
香霏野館尋春路清殺襄陽雪裏看

鏤冰剪玉淨無瑕綠萼紅苞未擬誇不是孤芳傲雪色

誰偷嬌艷殿年華雀銜蓓蕾穿花落蟾挂枝梢逗影斜  
爲問封家諸姊妹一年春信阿誰家  
山閣幽人分外宜霜華浥浥護春姿幾回杜老吟中興  
多少何郎去後思清入小窻拈酒夜曲殘別院引歌時  
更聞開落同株異分得南枝與北枝

送張鍾陽出守撫州

含香宿昔星辰近輯玉新從水國過挂席彭湖秋雨歇  
停杯皖口暮雲多賦凌匡嶽芙蓉色政擬漁陽麥秀歌  
十二諸侯君上郡青春出守意如何

劉未沫許攜馮姬招飲竹圃向晚不至走筆戲柬  
書來昨日邀今日起坐朝陽又夕陽石路輕雲供曳杖

花亭細雨洽飛觴豈憐病骨衝泥怯故掩柴關看竹妨  
餘興晚來復不淺青燒銀蠟出紅妝

夏日同方玉成劉燕及劉未沫鴈先飲汪君酬館  
郭抱堤橋水覆田炎林賓集午張筵幽亭避俗深開徑  
曲磴通池好種蓮雲閃石床篩竹翠風縈花塢起茶烟  
酒酣目送千峰色牧唱漁歌夕照前

夏日村居再述二首

市遠晨眠囂不通夢迴牕日試初紅開軒烟裊孤村外  
倚杖禽鳴萬竹中溽暑乍收穿澗雨微涼忽動隔林風  
桐陰匝地獨兒睡三五柴門坐老翁

掠面紅塵日苦煎放歌枕石覺安便晴窻品帙迎朝爽

音韻通雅卷十七  
月榭延僧坐夕烟行徑半生甘學圃身心近日得依禪  
青溪遶舍門垂柳一幅天然是輞川

苦雨 四首

翻盆雨勢漲簷流電霍雷轟怒不收紅女花間齊浣屨  
老翁溪上罷垂釣昏荒坐看沉村市陰暄誰從辨馬牛  
笑摘小桃如彈子簷前拋擲打斑鳩

慵陰十日只高眠喀喀鳴蛙上几筵出戶久穿東郭履  
閉門空挂阮宣錢涎蝸屈縮沿窻寫濕燕呢喃掠水旋  
交得女媧真復由倩渠煉石補天穿

百尺奔濤樹杪浮朝來釜餽看魚游顛風嘯雨花脂卸  
宿露縈烟柳黛愁仰面乍驚虹挂屋攢眉旋恨黑當頭

東隣咫尺謀懽飲剛得衝泥信宿留

昨聞水變西鄉劇鄉語今傳信不乖截屋蛟龍宵作語  
掘山霹靂晝常霾千家萬竈沉魚窟溪女村男渡竹簾  
率野誰歌鴻雁什笑予空切杞人懷

燈夕飲趙伯先馮虛樓

喧騰簫鼓滿城闐月榭燈輪獨駐春繞砌危廊藏洞壑  
撐空高閣近星辰妝成獅子攔街舞放出蛾兒綴火新  
脾濕年來苛酒禁十千今夕爲君頻

子夜歌

儂似池中藕懽如瓦上霜日出霜不見藕斷絲復長  
涉江采芙蓉采采是並蒂撫背笑問郎兩人可相似



音耶屋形卷十七  
· 懊儂歌四首

儂面卽儂腹  
懽腹可如面  
露霧隱闌干  
花心不可見  
懽情如橘性  
等閒有變時  
妾似三眠蠶  
夜夜獨抽絲  
儂愛辛夷花  
何如荆棘翳  
懽情雖可憐  
人言亦可畏  
凭欄夜候懽  
望懽懽不來  
安得如春風  
時時入儂懷

贈吳體中中丞四首

曾提鐵騎控蠻方  
節鉞霜搖錦水光  
帳下健兒俱死士  
簾前粉黛盡生香

暫解簪纓寄水雲  
黃冠白氎謝塵氛  
星階靜卧銅牙弩  
霞閣閒搜寶笈文

玲瓏洞窟嵌瑤房  
肉奮絲飛競舉觴  
竹下香風花下月

夜深絃管醉汾陽

西園讌罷坐屠蘓  
火照香臺映苾芻  
收拾歌唇珠一串  
舌根贏得唱南無

夏日東園遣興三首

槎枒病骨愁經暑  
敞閣虛簷夏日宜  
宿樹涼雲深覆屋  
繞花流水曲通池

丹葉碧藻漾波鮮  
石島空虛竅竅圓  
盆水日暄魚子長  
錦鱗齊出撥紅泉

齋西舊種千竿竹  
嘯雨縈烟秀可餐  
昨夜橫堦新迸筍  
一枝風折壓欄干

贈馮姬五首

音耶風雅卷十七  
約得雙丫燕尾尖新妝別樣入時妍傍人莫道齊看殺  
鏡裏卿卿也自憐

十五青樓早擅名楊家婉麗趙家輕可憐半醉工挑撻  
爛注秋波百媚生

病中猶記蹙雙眉無語闌干袖半垂漫說千金輸一笑  
惑人偏是捧心時

天然膚骨逼人清流盼含嬌燭下情酒正闌時歌正劇  
夜深玉指恹銀箏

珊瑚寶枕印紅腮蘭室香飄繡幕開羅襪一鈎鞋鳳窄  
灣灣纖月入懷來

七夕嘲聞不句

薰殘螺甲月西流閒却鴛鴦繡枕頭天上年年猶七夕  
人間能得幾迴秋

張鍾陽娶雙姬聞其閨中有唱和之句戲柬

爐薰百合夜調絃按入閨中繡句傳定想承恩雙粉黛  
深深暗祝小星前

窻前小立拭初妝的的蛾眉看斷腸笑殺入宮偏不妬  
遠山次第畫張郎

蟬

曲曲朱欄橋半欹藕花村裏水流漸長堤高柳蟬吟急  
帶却斜陽過別枝

人日獨酌

深村風雨朋過少老病呼尊與不孤稚女供齋喧夜火  
如來禮罷拜箕姑

無題四首

湘簾斜挂碧交垂戶外青青柳若絲陌上游郎鞭白馬  
戲將桃葉寫新詩

是處歌樓喚客遊女娘二八慣當爐金炬纖手殷勤進  
拾得春光縮得愁

風臺百尺闌歌喉柔曼纖腰舞未休按出崑腔齊喝采  
齊齊拋擲錦纏頭  
樹裏鞦韆俯碧流朱繩繫得最高頭一聲笑入雲霄落  
半曳長裙露月鉤

錦帳詞戲贈程盈之六首

朦朧銀燭白光燧繡被花紋是合懽首揭紅羅羞半掩  
明珠的的掌中看

何事閒挑綠綺工秋波屏後識英雄香塵滿路喧清吹  
疑是飛瓊月下逢

臂綃繫得下樓臺錦帳芙蓉並蒂開露淨一天清似水  
黃姑昨夜渡河來

鈎簾暖日颺游絲嬌倚朱樓袖半垂漫道郎君看欲死  
憐他蜂蝶也相隨

鏡裏新妝時樣工同心絲綫闔春風請看戶外鶉鶉鳥  
也自雙雙碧澗中

淡掃雙蛾縮曉風銀箏閒撥坐花叢朱顏願學花常駐  
笑取花枝沁酒紅

雨後東燕雲兄

吾家大陸住湖邊湖上春光年復年昨雨夜添三尺水  
可曾顧得泛湖船

吳廷簡

字顯三號樸隱世居桐之挂車山為吳將軍  
後裔少好擊劍既棄去攻書明經張欽之公  
聘主家塾者三十八年子弟皆受業焉公不慕仕  
進傳經至老不衰所得俸悉舉贍兩弟宗黨誦之

宿練潭對月

村店主人舊相識殷勤扶我下車揖  
貴酒纔傾三五杯  
茅簷忽訝月光入月映澄潭素影寒  
野風吹徹客衣單  
須臾酒盡月亦暗醉卧焉知行路難

方之璧

字完卿號藍石培竹公子也貌魁梧修髯美  
丰姿家故溫厚口不言貲賄嚮學慕義族子  
中丞公大任少貧歲晏自村塾歸公遇于途留之  
宿厚其餽遺資僕馬以返萬曆間歲大侵公出困  
粟為粥賑饑全活綦眾至宗戚之間待以舉火完  
室者指不勝屈也嘗與從兄季廉公之綱及中丞  
公大任讀書小楓樹莊之東梅園詩文倡和互相  
鏤礪年四十二早卒大宗伯葉文莊公每語公行  
誼曰盛德好學君子也予采詩未諳其為人而徵  
信于其孫逢月之家傳以舒來與予交最久文行  
皆卓然自好有古人風必非  
以溢美之辭誣其先人者也

母山展墓

一望松楸動音悲先人荒壟草離離雲邊水繞龍蟠遠  
雨後風翻鶴返遲第五竟無垂淚日龐家原有上墳期  
果然積厚多孫子齊向臺前酌酒卮

浮山即事

何年天造此浮丘一徑盤空萬壑幽秋老葉殘無斷岍  
春深潮長似孤舟讀書頂上重與剎賜藏堂前好構樓  
獨有層巒峻絕處從無人跡鳥來遊

李正時

字希白萬曆間貢士祭酒諸生四十八年凡應鄉舉者九中副車者五卒坎珂不遇率履貞素食貧如飴遺風雅範至今猶在人間卒年七十有三為詩不珣飾亦如其人惜渺傳本

岳陽晚景

木末秋風起青山送雨歸日低真見落雲遠不知飛夜  
色烟中淡鷗羣沙際稀倚闌情未倦寒氣濕人衣

夜坐聽雨

聽雨山中寺蕭條對佛燈春懷偏惱客野興未嫌僧雷  
似千峰動泉應一夜增壯心方激烈靜坐欲飛騰

龍眠風雅卷十八目錄

木厓潘 江蜀藻輯

太倉唐孫華實君 叅

同里吳 易久可

葉 燦 三十三首

方大任 一百六首

龍眠風雅卷十八

木厓潘江蜀藻輯

葉

燦

字以冲號曾城萬曆庚子舉人為壽廉十四

進士官翰林院編修較書秘閣多所擩染遷南京  
講官遭魏奄蝨落籍崇禎初起掌院事教習庶吉  
士文章學術粲然有所成就轉南京吏侍晉禮部  
尚書以病請休公少而疑重記誦不甚敏給而頽  
悟過人好畜書家藏數萬卷皆手自讐勘裝潢大  
帙間其所有異本必購致之以必得為慰既致政  
纍書若城坐卧其中甲戌里中盜起至公宅惟牙  
籤克棟而已他無所得盜亦悔之其學靡所不窺  
尤研究性理詩歌古文皆真氣溟滓自成家數南  
渡後儀部顧公瑞屏為請于朝賜謚文莊所著有  
天柱集館閣試草南中稿廡下草讀書堂稿東語  
西話開眼錄若干卷公與先曾祖少司馬鎮樸府  
君同舉于鄉相友善集中贈鎮樸府君詩四首贈  
先祖楚星府君詩一首率得之他本而讀書堂稿  
中皆未及登豈典記之失載耶先司馬詩不傳而

音耳居牙卷一  
公所贈詩有云向我吟新句呼童發舊醅意必工  
于吟咏予小子生也晚無從蒐討從祖映翼猶記  
其林居一聯云行行看竹木生意朗朗聽兒孫誦  
聲洵表薄之雅尚而惜乎記之弗全也附識于此  
以志  
吾憾

### 餐菊

木葉紛將盡氣候何悽惻  
宛彼東籬花獨耀黃金色  
挺然巖霜中孤芳別有植  
恰與幽人對素心似相識  
豈徒供玩賞兼之資服食  
可以制頽齡可以蕩穢慝  
所以古哲人餐之故不惑  
豈無灼灼華慚爾清貞德

### 野老行

君不見城西野老皮骨苦  
前年薊門昨江滸南奔北走  
脚無力北風吹面面如土  
少年意氣取卿相只今三十

成朽腐計拙無求妻子饑  
顛狂反遭俗眼怒頭上之巾  
胡爲乎腰間寶劍光模糊  
醉來起舞歌聲麤白日慘淡  
浮雲孤嗚呼男兒讀書萬卷  
蹭蹬流落有如此不如歸  
牧西山豕

### 赤城行

故人家住赤城頭故人讀書  
赤城樓胸羅武庫世罕儷  
家無擔石心不憂雄飲百斛  
江湖涸落筆千言神鬼愁  
左手持蟹螯右手把吳鉤  
自稱絕代豪唾手取公侯不  
然拂衣江海太三山之上訪  
丹丘安能悒鬱聲啾啾酒  
酣耳熱高歌發春雲淒斷成  
悲秋鄉里小兒不解識傍  
徨四顧驚且咻掀髯長嘯神  
自若熟睨世間皆羈馱忽

音韻通考卷一  
然痛哭復嘻笑觀者疾之如仇讐丈夫昂藏七尺軀安  
能俛仰隨時流相如子雲可爲友劉伶阮籍真吾儔白  
眼茫茫向九州拚教齟齬罷卽休夜光翻遭田父咤天  
龍頗駭葉公眸古來英雄寥落不合自如此流俗悠悠  
安足謀

季襄君節玉成漢卿過訪同賦

我生三十數不偶單衣短褐何其醜面孔羞將兒輩看  
生涯甘落他人後薄田一頃城西偏飯牛牧豕自年年  
骯髒漫滅懷中刺塊壘高挂杖頭錢方生朱生典絕奇  
一日訪我來茅茨科頭赤脚走相接長歌短調同追隨  
滿眼悠悠世上兒風流爾輩真吾師八斗五車無不有

詞鋒筆陣從驅馳相逢但醉不須辭安能齷齪常攢眉  
君看古來豪傑士千秋萬代垂虹蜺

贈玉成

君不見赤城山人貧欲死破裙單衣混泥滓書成瀝盡  
胸中數斗血世人視之不直一杯水昨有一奴被人奪  
生也垂頭袖手無力爭不得狼吞虎攫氣力麤使我聞  
之三嘆息連朝北風十丈雪餓豺晝嗥人跡滅忍饑抱  
版口微吟男啼女哭聲哽噎百責無辭子羽頭三寸尚  
在張儀舌丈夫失意不足恥窮愁何必成瘡痂君不見  
鴻漸木鳳棲枳一日驟雲排霧羽翮高烏鴉尚啄園中  
矢



早春訪石浪上人

野靜烟光淡悠然散步時僧瞑一峰下客到夕陽遲妙  
偈皆松識閒心春草知對床無一語性寂本如斯

抱病

別業空山裏孤燈獨夜身交遊江上淚風雨病中人宿  
鳥翻深竹溪流響亂榛居然成小隱日日白綸巾

首春送潘鎮樸之京

春氣動平野紛紛物意滋可堪尊酒別及此艷陽時子  
有飛騰策予傷羽翮遲驅歌欲相送哽咽不成辭

贈玉成

坐臥空齋裏行吟溪水邊野橋山路細幽澗石泉懸鳥

語風中斷僧烟竹外連偶然故人至對酒興翩翩

春興

杜門甘避俗伏枕自經旬忽見桃花發方知二月春村  
村農事蚤日日鳥歌新乘興尋芳太長吟作醉民

雜詩二首

霜雪年光暮圖書夜色孤窮來失肝膽老至厭頭顱酒  
熟故人到尊開新月俱淹留添燭跋欹倒任狂夫

貧病人情嬾逢迎幽事妨晚雲寒聚浦山月淨依床對  
奕頻燈燭深吟費酒觴護窻梅竹色瀟灑到虛堂

同玉成作

放歌當落日散髮對秋風遂爾忘身世悠然卧竹叢蟬

吟一葉晚雲散衆山空把臂同心在無爲泣路窮

疎嬾

秋到雨能報伏歸熱尚欺多時剝啄少只是晝眠宜行  
鳥窺人屢山雲送色奇但吾遂疎嬾從世喚愚癡

同潘鎮樸望北山

出郭兩三步千峰面面帷近身雲不覺頻看鳥如知返  
景催詩駛薄寒借酒支悠然下樵牧應共爾爲期

晚望

緩步高原晚哀蟬萬木深黑雲吞衆嶺紅月迓東林將  
老憂端並多年病苦侵浮沉底意緒回首一長吟

將到河間

大風號白日滿地捲黃塵泥屋屯征馬爐糕坐土人天  
鳥下一聚官柳著深春兩度班班苦河間到感神

早發定遠

月斜征馬照春入曉鷄寒早厭朝朝飯遲嗔日日鞍吐  
山天有色平地水無端千里歸三日雙眉破一攢

潘鎮樸過訪

幽棲人不到乘興爾能來向我吟新句呼童發舊醅鑪  
鍾偏得雋追琢愧非才但不嫌麤糲蓬門任往廻

自響鈴鋪宿良縣

牛畊亂眼底風俗近南嘉高下勻田麥青紅亞圃花枯  
塘春破水晴浦鳥行沙良縣今安睡廬桐接是家

由蕪湖進東壩

愁殺掀天浪，紆迴東壩穿。湖灘船屢閣，魚笱凍相纏。髀肉銷江海，舟車擲歲年。銀壺對金鏡，一破旅情牽。

觀音寺柏公房

客子誰相晤，寒天古寺中。閒房兀坐掩，幽意與僧同。鴉亂日將夕，鐘鳴月在東。浮生亦如此，吾欲悟真空。

早發棲霞

出門沙草氣，一路撲人香。山僻日遲見，秋初候已涼。籬間數花赤，鳥外亂峰蒼。處處泉聲激，猶疑在上方。

送夏伯孺遊杭兼謁章會稽先生

東南名境冠杭州，藜杖親扶屬勝遊。一鏡天開魚鳥色，

萬花春含霧烟流。雲封禹穴金爲檢，潮湧胥江玉作樓。千里起居寬繾綣，慚予猶滯剡溪舟。

戴微之有吳越之遊詩以送之

勝絕東南今古名，片帆雙眼豁崢嶸。黏天海色晴吞樹，捲地濤聲晝撼城。女暎越臺衝客宿，馬含吳影犯龍精。未辭峰頂鸞留韻，一寫奚囊錦盡驚。

寄題朱太常園林

碣石滄江借不難，千章萬箇碧琅玕。花間白墮青絲舫，郊外籃輿紫籜冠。礙日樹交晴自暝，當窻瀑灑晝長寒。相逢莫怪如泥醉，齋禁歸來喜得寬。

贈朱憲昌卜居廣陵

音耶風牙卷十八  
七閩才子住揚州天下繁華數此丘寶瑟金箏妖妓酒  
名珠翠羽賈胡舟詩篇驟奪濤聲壯客宿長懸王氣秋  
莫向蕪城城上望吳烟隋柳喚人愁

送潘鎮樸明府之官縉雲

一官氣色崢吾黨廿載綢繆別爾難天意越城新雨露  
人家禹裔舊衣冠如江文彩波元濶遶郭花開錦復攢  
爲政風流今不淺好音莫惜憫加餐

贈玉成之閩

送君遙向嶺南行粵水吳山萬里情白日樓臺高蜃氣  
清秋風雨亂猿聲荊州登眺悲王粲梁苑文章見馬卿  
醉舞龍泉多慷慨江湖飄泊愧儒生

江上逢潘楚星觀省句章時偕舅氏同往有贈兼

東其尊人鎮樸明府

一權寧親慰倚閭可煩歌咏渭陽餘逆風雙挂灘頭鷁  
買酒同餐江口魚語共阿戎真自足好成宅相竟誰如  
明朝爲報而翁道大雪王猷興未疎

夏至齋宿

何日焚他學士魚又來隨例事齋居陳三決不堪同俗  
歐九惟嫌欠讀書野蕩新荷紅底若柴門高柳綠何如  
故山政好不歸去谷鳥溪花應笑予

雜詩二首

何妨衙舍冷如水似此清閒幾個能旅館無朋須倩鶴

異書尋買却呼僧

烏薪向盡裝難至白粲須炊載不迴數喚平頭候風色

今朝江上幾船來

方大任

字玉成一字逢吉號赤城萬曆丙辰進士時

縣爬梳蠹弊豪右歛迹以公正廉明奏最擢監察御史會逆璫預營生壙僭侈踰制特疏糾之褫籍而歸旋媿都御史巡關最承眷倚故事巡關僅弭節關內公獨出關千餘里與總督袁崇煥經畫方略廉督撫某招剋召變歸為上言寘之法已已以副都御史巡撫順天出守通州久之圍解予告馳驛歸里賜白金紵幣加服俸一級公學殖該博工力深厚匠意鑄詞務極底實嘗自序其詩云生而有吟癖未嘗一日廢每歲必哀成一帙故其集甚夥若霞起樓詩草十卷強舌吟胥靡吟歸田草出塞吟後出塞吟皆盛唐之流響也公薨已五十餘稔吾友程奉常立菴有季女屢擇壻而殤晚以字新安某嘗與子論枌榆先正喟然曰方中丞嚴氣

詠懷四首

介性朝野具瞻官至開府而家無千金之產吾知其孫已成立不知其猶未有室也惜不以吾女妻之嗚呼奉常之為是言高義固出千古而公之餘風遺澤其被人者遠矣公與大宗伯葉公曾城志趣訢合自為諸生以迄解巾登仕挂冠歸田膠漆之誼始終一致其唱和之盛比于長慶松陵而各位與出處大節亦復相埒子故排中丞之詩于宗伯之後都為一卷以明其契分之深交相切劘如此

東髮慕奇癖讀書萬卷餘游思緬邈場削跡芴華途舉

世爭捷徑听然笑其愚稟氣固已然改轍將焉如孔生

恥溝壑原子安桑樞素志亮有託斯人豈盡迂掩耳謝

時賢一心抱區區

徘徊芳塘上微風扇輕波連岡蔭青松不徑冒綠莎是

時秋候深秔稻蕃陂陀腰鎌朝出隴捆載夕歸家鳥雀  
啄塲圃牛羊散崑阿曰余無立錐鼓腹行謳歌拾穗甌  
窶間一飽不願多嗟彼攘攘子鼎食終如何  
漢武雅好文酷慕相如辭本自當代士翻恨非同時向  
微狗監薦白首不相知瑟鼓齊客叱璞獻荆人悲經耳  
等璠璣涉日成沙泥至寶不易售古今同此疑何世無  
英雄蓬蒿常見遺

孔雀遊赤霄牛角何由觸麒麟可繫羈翻爲犬羊辱伊  
余類窮猿投林不擇木悠悠長傍人顧影傷局趣百鍊  
忤時好繞指乖素欲犁鋤尙可給誓息西山麓

與朱漢卿葉君柱葉君嘗登投子絕頂

絕嶺何岩堯力疲興不禁霜融草根滑風疾松聲勁雲  
霞薄衣袂驟覺青天近葱鬱楸檟林窳窳狐狸徑石槲  
與裸葬世遠同一盡達生苦不早荏苒霜侵髻逝將辭  
紛綸酒伴時相命

古意下第後示以冲君節

妾容愧不麗君心苦不長結髮事君子荏苒三十霜金  
石有銷泐恩愛篤不忘一雲忽一泥末路渺相望君行  
如翔龍妾意同寒蠶啣憂荒草際予于枯池傍傷哉復  
傷哉永夜守空房

雄縣

北土饒塵衍茲邑乃廣湖恍疑過江行一碧萬頃鋪長

堤貫其中蜿蜒晴虹舒搖柳邊艇謾謾風中蘆里人  
少驅犢生業半捕魚蝦菜入市鮮鳧鶩近人呼騁望烟  
水間日爽心與俱恨少數青峰點綴湖四隅

任丘縣

膈膊鷄初鳴磊落星猶存僕夫促進餐瘦馬已在轅  
臙行十里東望見朝曦取次近城郭馬嘶人語喧誰言  
茲邑鄙冠蓋乃駢蕃邊銜悉制府京秩皆台垣棹楔塞  
交衢甲第凌中天豈無藿食士環堵不得完懷抱瑾瑜  
質困頓疾藜樊升沉分虎鼠跂望不敢攀我本失路人  
念茲切辛酸

河間府

天地初睢盱人物亦約略無端書契興巧競乃攸託周  
綜旣紛綸孔緒轉糾錯發塚抉口珠人各奮椎鑿念茲  
禍亂俑繫惟神聖作快哉秦皇帝一舉付燔灼天下盡  
聾瞽漸得還澹漠多事河間王蒐集仍浩博流傳復漫  
衍萬世遭韉絡我生本侗然放曠何不樂一入觚翰林  
憂患遂相縛奔馳訖白首多弋少所獲今朝過遺封撫  
徃氣充膜想其初購時真宰神亦懼矢歌諗同侶雖狂  
諒無愕

雜詩四首

秋暑轉復亢日夕氣不蘇夜央涼稍生枕簟聊自舒晨  
鐘忽破夢百念來紛拏君看突梯者隨徃得華腴高軒

擁大纛昂藏展天衢一心抱硜硜禍咎甘自驅當身不  
自謀何論後代歟拙戇天所縱鞅轍終難紆仰首望時  
彥誰賢與誰愚緯繡莫能辯往問江潭漁漁父笑不答  
鼓楫凌碧虛

夷路同一殉豹毅竟誰是如彼緣督者亦未得所底我  
觀廣道流身完名則毀悠悠千載下痕瘡難湔洗人生  
一涉世憂患相終始繫維川崑棲超然絕塵滓皦汗兩  
不受堅缺莫可指來者猶可追誓勿蹈前軌俯仰今古  
間獨慕巢居子

陶公雖不仕頗亦懸短組本自甘固窮豈真爲五斗玩  
世有深心自晦長沙後所以邂逅間不辭王弘酒徘徊

晉宋岐此意人知否慨焉念黃虞蕭然詠五柳試誦荆  
軻篇方知中所有

齋居深閉戶悄然多所思聞道苦不早良爲至人嗤神  
龍用以潛鳳鳴維其時攘臂撩虎鬚幾成虎口齕恹恹  
一寸心幸賴皇天知百死而一生得遂此初衣返情遊  
溟滓研慮窺希夷願言終吾年永葆杜德機

五老峰同化卿放歌

廬山之高出天表西有漢王東五老千崑萬壑競鬱蒼  
積廬古剎相縈繞窟深潭底多神虬巢安林曲無凡鳥  
我來直跨華蓋峰下凌倒景乘罡風是時秋清天宇空  
目隨灝氣俱無窮吳楚羣山如聚粟江湖巨浸成溝瀆



音耳風牙卷一  
指揮每恐礙日車飄飄迴覺離坤軸倚醉高歌興欲顛  
却看身世等浮烟攀蘿徑度學猿捷轉石不怕驚龍眠  
須臾雲出表靈異裊裊一縷穿衣袂消散依然還霽景  
九疊屏風轉明麗嗚呼匡遠去已久周顛天眼骨亦朽  
神仙佛子同沉淪富貴功名復何有與君壯觀良不偶  
勸君更盡尊中酒明朝塵土各飄零嗟峨五老空回首  
夜雨懷以冲

我生骯髒無與偶但言俗子便疾首白眼常橫天地間  
青袍獨落風塵後眼底交遊能幾人葉生於我情最真  
傾肝吐膽無所惜痛飲狂歌驚鬼神年來苦負道路債  
南奔北走無根蒂故里雲山長渺茫天涯歲月空逾邁

相思入夜雨沉沉檢君贈詩吟復吟何時更坐桐坡上  
細話江干夜雨心

車箱歌

作馬不須良良馬強半服車箱作士不須才才士強半  
困塵埃龍翰鳳雛或餓死牧兒賈豎登鼎台憶昔韶年  
總角時矢口落筆無不奇里師一見誇英物父老流傳  
美可見三冬轉益富文史萬里雲霄日可俟那知百折  
歷風波到來半世淹泥滓歲歲年年一卷書東馳西走  
無寧居殘杯冷炙潛酸楚穿衣破履行躑躅出門俗子  
多嘲笑入室妻孥常嗟吁里中少年人所羨貂裘駿馬  
金玉饌腹內何曾識一丁氣岍峻嶒光滿面君不見洛

龍耳風雅卷十八  
陽才子命途遘絳灌無文勢震天奪足予翼豈無分受  
夫取小不得全萬歲千秋事始定較計日晷非高賢

醉時歌寄以冲

閩之山崔嵬險巖不可攀閩之水迅急喧虺流不止我  
本淮南抱甕人何來作客孤城裏孤城物色非故鄉臘  
月園林未見霜千山萬山晝霧合但聞樟樹遙含香孤  
猿嘯時白日澹野鷗飛處青天長君不見前者葉生送  
我時銜杯握手重致辭勸我加餐復作賦相如王粲同  
襟期我聞閩中美酒出建陽主人購之千斛強一日一  
醉一狂嘯安能鬱鬱徒懷傷

徒步嘆

三月三日天風輕欲晴不晴花霧橫輕統駿馬者誰子  
而我徒步泥中行君不見丈夫有錢始作人馳街驟陌  
多精神青樓十里飛紅塵隔牆一望前騶嗔

登東崖歌

九華有層巒東坡在其內從內視外如刻屏千朶芙蓉  
遠相對我來春霧苦作惡盡收蒼翠入冥漠情知攀涉  
只徒然終難斂趾坐空閣衣沾履濕不辭苦力疲脚酸  
更鼓舞小憩太白祠直上海藏菴螺髻昏霾了無見東  
窺惆悵復西探菴中老僧笑來迎指點雖詳竟不明閔  
園茶美且一飽隱几細聽巖泉鳴屋裏松株屋上出龍  
鱗斑駁苔蘚橫孤高冥冥易摧折浩劫扶持必有靈谷

口迴筇行且坐罡風吹人人欲墮何當乘此便騰翀飄  
飄直列羣真座莫道茲遊興未全也堪小結翠微緣從  
他黑霧沾芒履猶勝紅塵籠錦鞵

獲鹿界上植柳夾路左右各行十餘里不絕蒼鬱  
特異愛而賦之

新栽高柳夾道傍一往十里翠帷張搖落猶令行者愛  
況有弱綠當春陽我車迤邐過其中垂條拂拂颺微風  
誰人風流能爲此云是獲鹿賢令公黃昏班駁暗西北  
迷茫不見恒山色塵眼爲君聊一開斜日穿烟射寒碧  
立春前一日郊行  
郊南春意早無物不堪憐水次三家市沙邊數畝田繁

梅全破雪嫩麥已鋪烟沽酒聊停騎乘酣又舉鞭

春日泛石湖

石湖好山水春光况復新輕烟天際鳥斜日渡頭人放  
艇隨輕浪長歌採綠蘋網魚復沽酒慎莫負芳辰

定居示思拔思實二弟

幽意聊堪愜青山已定盟溪邊饒夜雨隴上動春耕芳  
樹葉皆暗閒禽時一鳴秋來秣米熟尊酒日同傾

寄以冲

念爾京華客文章近益雄已齊枚氏捷原並馬卿工意  
氣凌梁苑聲名動漢宮慚予真薄劣追琢未能同

夏日幽居雜興六首

茅舍深松裏白雲層復層一身癯似鶴諸念寂如僧把  
卷每兀坐愛山亦獨登莫嫌無過從野鳥卽吾朋  
檢點幽棲事拋書出棘樊山妻親供茗稚子學應門帶  
露晨分樹披星晚灌園瓦盆有濁酒作苦不須言

雜樹孤村逕殘花四月春魚鰕翻沼苻雉兔狎林榛得  
酒便成醉無錢不說貧絕憐來往少閒殺白綸巾  
古道今誰在高人去不還釣竿落吾手流水自潺潺雲  
澹赤城寺潮生楊樹灣興來何以遣爛醉翠微間  
十日閉門讀偶行新霽時夏雲一以淨林木翠參差忽  
過水邊市還尋竹外陂老農何處至倚杖話遲遲  
勺水盆池內相忘沫自濡未論得雲雨何異在江湖清

淺容卷石芊綿長細蒲吟詩坐無事投食引羣雛

### 望浮山

幾誤躋攀約徒令悵望深天青一鳥去雲起衆峰陰歲  
月淹塵事烟霞負夙心山中桂花發遲我鼓瑤琴

### 懷化卿

滑嶺是何地王生爾寓居開門見山鹿佐酒有溪魚燕  
乳花飛後鶻啼月上初相思春欲盡不見一行書

### 江行

日出櫂初發風斜帆不懸孤檣緣岬轉百丈拂蘆牽野  
樹籠秋色江鴻下霽烟忽聞漁唱起逸興坐翩翩

### 以冲七夕誕子席上二首

音耶屋牙卷十八  
入懷驚令節摩頂悟前緣珠並雙星出弧盈半月懸襪  
衣裁異錦瓜果趣華筵他日論聰慧應知得巧偏  
的的珠隨掌浮浮酒寫尊試啼驚坐客抱送卽天孫長  
定爲英物賢應大爾門他年存父執爲話席間言

瑞洪道中

秋日澄潭曲悠悠泛短檣鷓鴣漁父業樟樹野人家候  
煖饒新雁霜遲足晚花風光堪自慰未覺在天涯

建陽舟中

不到天涯處誰知行路難舟危穿石罅山峻出雲端帶  
月汀洲濶迎霜橘柚寒鄉關杳何許相對且加餐

開元寺

一逕秋花合諸天曉霧深迴廊緣曲岸古塔峙危岑飄  
泊身何定風塵髣易侵安能從惠遠結社日登臨

延平津

蒼山南紀郡白水晉朝津獨鳥飛何意雙龍跡已湮波  
光搖落日雲氣澹秋旻轉意張雷輩西風重愴神

寄內

龍嶺三秋月憐君祇獨看鳥啼千樹夕霜落一庭寒曉  
鏡愁中掩春衣別後寬屢屢情不忘飄泊媿儒冠

正月四日葉允男見過

時允男初遊泮其翁以冲方訪潘鎮樸于慈谿未歸

楚楚通家子青年意氣殊歲時存世講風雪歷遙途才  
美名初就顏腴病已蘇若翁縈客思曾寄好音無

宿西溪

鳥道緣崖去人烟入望賒客愁孤店雨春冷萬山花高  
枕溪聲急凭欄樹葉斜征途方此始前路瘴雲遮

天界寺

曲逕叢青靄孤亭敞白雲山光樹杪出鳥語竹中聞壁  
有高僧偈碑留上相文坐來塵思淨花雨自紛紛

崇隱菴

招提入翠微曳杖步晴暉路自雲中轉泉從樹杪飛林  
間片月上洞口一僧歸安得依瓢衲徜徉此息機

春夜

缺月依然落疎雲過雨涼風柯初息響霜葉亂凝光老

怯兒童大貧嗟畝畝荒夜分仍不寐獨立咏蒼茫

晴

久雨春愁鬱新晴曉氣鮮遲遲雲出岫脉脉水穿田崑  
竹淨於沐溪花煖欲然何來雙白鳥作意弄暄烟

由故華嚴寺登金谷崑絕頂二首

流憩屢丹石窮探竟碧空虛無惜古構指點喜村翁野  
澗層層水嵯孤面面風鄰公錢寂寞躑躅翠微中

寺問元開處崑嶺乍得時

寺址後有小崑絕幽  
峭遊人自來莫識

春衣鈎

棘破屐齒躡苔危轉石山僮樂窺人野鳥疑上方昏黑

徑憶和故人詩

丙申秋余與  
化卿輩遊此

送靈岳上人之九華

吾聞九子勝九子九芙蓉問爾從今去棲禪第幾峰  
泉聲清萬慮雲影伴孤踪應念迷津客風塵事事情

懷楊灣舊居寄諸弟

莫卑三畝地須識廿年情營築心爲破荒蕪手自耕  
艱難有今日付與見平生最愛松林色休令剪伐輕

過漢卿墓

汝骨遂埋地他年攜眺頻業緣兒女幻交契  
歿生親拜起苔沾袖低回風墮巾哀深反無淚短夢黯摧神

遊廬山過太平宮作

廬嶽望無窮行行及此宮山門一繫馬  
谷樹亂鳴蟲碑仆苔痕古鐘流松磴空前朝何限事回首但秋風

鉛山舟中

川路豁新晴搖搖一艇輕水清真見底山  
好不知名小墅青樟匝斜暉白鷺明隨眸無限好暫得緩鄉情

泊瑞洪

復雪愁仍在歸舟行復停鄉程空默數  
客睡幾曾寧絮語鄰人艇微燈何處汀朝晴欣有兆雲際出疎星

自康山抵鶯子口

晨發康郎麓都昌忽漫過乍暄融積凍遠渚送微波  
風正舟師靜湖晴漁子多匡廬行又近雲裏辨嗟峨

以冲過訪山居四首

君來猶未後籬菊尚餘英磻道千盤入松關  
一笑迎風

音耳居牙卷一  
雲寒少色澗壑夜多聲借問山居味何如城郭情  
種竹纔三箇分蕉只一科荒蕪全未葺蒼翠自然多盡  
日閒雲駐無時疎雨過悄然人事絕石上共婆娑  
莫道茲遊易相期已半年壺觴分石坐風雨共衾眠野  
性吾真癖幽盟爾亦堅朝來晴色好更上最高巔  
小徑層層樹虛窓面面峰詩將蕉葉寫書借石龕籠山  
栗童新打家醅婦遠供酣餘日未落溪上步從容

遊龍井

傳響雲峰遠尋源樵逕微渟泓如紺碧飛灑作珠璣木  
落見山骨沙平上水衣留連數呼酒林麓已斜暉

寄答謝中隱二首

一官垂老得百感上心多謾道風雲好其如霜雪何勞  
君舉室喜貽我遠途歌肯信金門意朝朝在薜蘿  
羨爾能超俗械投只一詩寒暄雖不悉貧病自應知句  
老神當健年豐食可支故人纔薄宦何以慰相思

燕河憶兒二首

京國傳來信爭言汝貌奇精神踰往日聰慧足新知弄  
筆常師側含飴割姆私見時摩頂問誦得幾篇詩  
憶昔林居日提攜不暫離偶拋纔晷刻相隔似旬時何  
物閒簪紱令人久路岐傳來思父語聽罷淚沾頤

野泊

解維纔五里風阻便停舟屋影藏嵯岬人聲隔樹幽夢



危頻駭浪思亂不禁秋忽喜中宵霽依然權淨流

茫茫

茫茫片心事寂寂向誰言江閣愁看月僧齋早閉門安  
危關社稷明晦任乾坤一掬孤臣淚何須灑野原

宿古道菴

舟眠嫌跼踏借榻道人房星漢垂簷近江山繞檻長水  
明不借月地做自生涼清坐渾忘寐呼童屢續香

元日雨中同王化卿林渡之登北山飲

元朝阻雨稀遊客逸侶攜壺獨看山嵯峭寒風猶瑟瑟  
冰融飛瀑已潺潺醉荷短笠青松下坐望長空白鳥還  
折屐不辭前路滑杜鵑峰上更躋攀

入宅咏懷二首

三年不見老萊衣屢向滄江泣落暉荒歲流離幾人在  
故鄉丘壑一身歸庭前鳥鳥依然宿天外孤雲何處飛  
獨上高堂悲寂寞晨昏徙倚欲何依

異國歸來還此春那堪骨肉莽沉淪一身暫托鷓鴣寓  
諸弟仍隨車馬塵深谷長鏡吾獨隱遠天孤劍爾誰親  
回思攜手兒童歲夜雨青燈戲彩頻

以冲將有白下之遊許過草堂言別寄此訂之

鄉關猶未罄交懽况復天涯握手難白下秋風催汝去  
赤城明月對誰看許停行騎過茅宇准擬題詩滿藥欄  
野外雖然供給少懸知不厭故人餐

夜雨  
秋山風動暮雲低  
三徑荒涼草樹迷  
斜日下時歸鶴鳥  
蒼苔合處響莎鷄  
簷前急雨連深夜  
洞口寒流漲野溪  
自古詞人怨  
搖落楚騷賦就一凄

以冲自金陵歸見過

故廬春隱水雲深  
玩水探雲醉復吟  
裘馬厭看年少態  
綈袍深見故人心  
新詩共向花間覓  
濁酒時從竹下斟  
世務相牽還復別  
何當乘月重招尋

湖夜

綠水遠隨平野濶  
蒼山高與莫天齊  
風前牧笛歸何晚  
月下漁舟去不迷  
禾黍登場人露宿  
松筠蔭戶鳥叢棲

獨看秋色渾忘寐  
盡夜堤邊倚杖藜

閩中再寄君重弟

幾年高卧故園秋  
此日飄零擁敝裘  
豪俠自慚非季布  
游揚還賴有曹丘  
寒雲萬里閩天遠  
夜雨空山楚客愁  
聞道螭湖霜落後  
網魚攜酒正堪遊

春遊

春日遊行春色賒  
青青芳草遍平沙  
老僧供茗來山寺  
稚子提壺過酒家  
湖上輕風翻燕子  
隴頭細雨落桃花  
殘尊更徙前溪坐  
纖月遙看帶暮霞

戲君重弟

何處香風入翠樓  
樓頭小婦抱箜篌  
已聞歐氏名如願

音集卷一  
復道盧家字莫愁蛺蝶俱飛迷曉日芙蓉並蒂媚清秋  
吹簫且莫乘鸞去結綬還期躍馬遊

酬化卿見寄

落花飛絮曉陰陰三月江南春色深  
獨客醉眠蒼水曲故人遙寄白頭吟  
疎狂真側當時目偃蹇徒存千古心  
知我只今惟鮑叔結交端不爲黃金

宿北峽關懷林渡之

當年訪舊此曾遊屈指于今已十秋  
玉樹關情埋已久金蘭回首淚難收  
笏峰寂歷含雲暮黎水蕭條帶葉流  
後死風塵空碌碌羞從隴樹挂吳鉤

偕君節兄登黃連山宿龍隱菴二首

江上黃連碧萬尋撐雲踞水石森森  
峯迴磴轉殊天地瑤草琪花閱古今  
半壁忽逢金布地六時不斷海潮音  
坐來諸相俱岑寂但覺旃檀氣滿林  
流水桃花瀉石谿卸鞍扶杖踏春泥  
諸天共簇松篁色下界回看烟水迷  
雨黑蛟龍終日立風腥虎豹或時啼  
到來淪茗沉沉坐萬壑鐘流暝色齊

廬州飲名卿叔齋中二首

叔名學御予受業師也今爲廬州學博

落魄歸來羞可論何堪曳履向師門  
奔馳自覺容顏稿辛楚空餘皮骨存  
驥老愁深伏櫪咏鱸新望起講堂尊  
燭花屢燼寧辭倦六載離情纜一尊

負笈從遊童稚年揮毫矢口得師憐  
當時立擬雲生足

音集屋牙卷一  
今日空慚霜滿顛  
淝水春風欣晤語  
清泉夜雪憶周旋  
門墻桃李紛如錦  
憔悴如何一樹偏

同君靜君節兩兄遊胡水部莊

負郭從來愛此居  
幽期曉赴忍徐徐  
何須問主方看竹  
倘許爲隣擬賣書  
小舫橫波閒不纜  
長溪送瀑直通渠  
晚涼崑徑佳何限  
短杖輕裾進所如

化卿來自霍山

遠道歸來髯尚稠  
知君客思未全愁  
黃精自破深雲窟  
白帽時同野老遊  
去住一囊俱異國  
悲歡隨地漫登樓  
羊城兒女聞無恙  
莫倚西風感敝裘

送化卿歸金谿兼柬劉臨川燕及

少小綢繆老不殊  
嗟君今日尚窮途  
思歸惜別燈前淚  
雪岼風江病後軀  
詩好自堪銷日月  
囊空何計飽妻孥  
臨邛令尹能延客  
肯使相如困酒壚

南歸四首

久信吾生自有涯  
晚圖活計不須奢  
案頭書少從人借  
甕底醪乾喚僕賒  
耽睡偏宜隨柳蔭  
無憂何必種萱花  
所須日用寧多少  
一炷清香一椀茶

山中此去樂婆娑  
倦卽高眠飽卽歌  
無事邀人談鬼怪  
有時策蹇訪禪和  
橋頭樹密鶯聲好  
溪口沙明鶴跡多  
童子拾薪吾注水  
手燒石鼎試松蘿

長途日見柳條青  
春氣薰人睡不醒  
晨起雲天方皛皛

畫看塵霧忽冥冥征鞍好卸溪邊市村酒旋沽樹裏亭  
妓喚臨清丫髻至藏鈎唱曲伴伶俜  
自我辭家行作客冬初忽忽又春終上書北闕志不遂  
歸卧東臯計轉窮恰直一百五日節已過二十四番風  
好把新詩酬麗景莫將愁泪灑花叢

山中訪左共之兼送還朝

選勝開居疊嶂阿年來松竹轉婆娑鶴糧已道新田足  
花事還聞別圃多正好閉關甘隱几其如補袞促鳴珂  
知君未忘雲林色直省清宵夢屢過

壽吳客卿太史五十

銀魚焚罷廿年餘嶺月溪雲靜自如鷄舌香銷一爐火  
龍鱗松老幾編書眼通寧藉蒲桃朶心淨真棲菡萏居  
說法從前四十九只今一字不關渠

黃花路輿中作

黃花古路萬山稠雲物淒清盡著秋徑窄僅容單騎入  
林深只聽亂蟲啾鼓鉦暗自雲邊落阿殿紛從樹裏投  
怪得荆榛狼虎穴使星昨夜照崑頭

晚眺

石磴秋涼晚試登水光山色抱峻嶒斜陽欲落還未落  
皎月當升便好升澄碧要看千里盡太清莫著片雲凝  
興來扶杖翩翩進更躡危巒第一層

癸卯夏金山作

浩劫迷疏鑿孤根截混茫樓臺嵌谷密金碧倒江長砌  
險侵蛟蜃窟虛俯鵠鷄時時霞綺面面鏡涵光萬象  
無遺矚三洲非異方山川會淮海雲物盡荆揚滅沒天  
邊樹參差烟外檣西流傾灩澦東逝切扶桑乍睹神爲  
聳深遊興轉翔頓停浮客權穩宿老僧房卧榻琴書冷  
交庭栝栢蒼旃檀聞寂歷鐘磬落蒼涼步散風隨杖床  
移月在廊石泉清自汲貝葉靜相將留玉人何處藏金  
躋已荒世輪真駭電客髯敢辭霜白社身堪老紅塵業  
未央鷓鴣迴京國近騎逐少年忙宮菊饒秋色陵苒足晚  
霜勝遊或不乏東眺意難忘

濠梁逢業師名卿叔時叔新除臨湘令

孤館寒燈客興微仙鳧何意忽來飛殷勤杯酒休辭勸  
明日瀟湘書信稀

飲以冲館同賦

青山高枕世情疎閉戶窮年獨著書不是侯芭能問字  
寂寥誰過子雲居

席上逢妓蘭英

紅粉青蛾進玉卮錦堂華宴日遲遲夜闌客散聞薌澤  
正是淳于一石時

臨城驛壁間見吳體中方伯題句有感

塵昏風緊夕陽天繫馬郵亭意惘然頭白只今還獻賦  
看君倦宦十年前

歸及北峽關志感兼寄以冲君節

腰圍全減鬢全稀空有京塵滿素衣關吏相逢應笑殺  
年年持得故繻歸

第後納妾袁青瑤年丈枉詩爲贈依韻答之

求夢巫山屢未成齋居常自學周卿多君贈我風流句  
誦與粧臺引笑聲

清明日輿中二絕

簿書堆裏偷身出花柳叢邊瞥眼行天借佳辰寬俗吏  
春將芳景媚閒情

尋常于役嘆勞勞此日何緣興轉豪喜得行車逐樵牧  
絕勝堆案對功曹

席上代人有所贈

村家粧束裹芳心乍譜霓裳學未深誰道無聲難悅耳  
淵明曾撫沒絃琴

遊浮山往還俱值雪歸途漫成二首

石氣松香尚染衣回頭何事不依依小僮亦有看山興  
並馬相呼得意歸

雪中來往未悽懷穩坐巾車足自排還記當年徒步處  
凍泥滑滑曳芒鞋

出塞有懷

村莊漁獵日蕭然聞道霜華益滿顛夜夜池塘空入夢  
連牀對雨是何年

龍眠風雅卷十九目錄

- 木厓潘 江蜀藻輯
- 吳門張遇恩天一
- 同里何永紹令遠 叅
- 吳氏令儀 十四首
- 方大階 十三首
- 王曰都 二十首
- 方孔炤 四十三首
- 吳叔度 十首
- 吳紹奇 二十二首



龍眠風雅卷十九

木厓潘 江蜀藻輯

方孔炤

字潛夫以家有連理之祥別號仁植萬曆丙辰進士初任蜀之嘉定調福寧皆有聲跡人為職方郎會魏璫欲封其兄子良卿為伯固執不覆削籍歸崇禎初起尚寶卿奉父諱家居闡明三世之學歲甲戌里中偷兒揭竿起賴公計殲其渠魁餘黨解散撫按皆尉薦之起南璽卿以副都御史巡撫湖廣時總理熊文燦力主撫議公條上八策言無之誤與督師楊嗣昌忤在楚九戰入捷獄督師調守襄陽聲援不及致有香油坪之敗逮獄楊死賜環陞見屯撫河北甲申南歸著周易時論與康節互相發明喪終于墓側門人謚貞述先生

棘廬述

辛未丁廷尉艱遵命

斷事死靖難其女遂不字以此啟桂林閱十三世我祖開講堂我父善繼志錫山相頊篋首善誠盛事通籍

四十年強半丘壑置晚筮號野同七十廬墓次端居歸  
逸篇啟予早自記悲歌以當號不孝恐負累晨起誦孝  
經一行一灑淚

一鳴示兒

焦明生三雛憑虛振其羽一雛巢阿閣一雛罹網罟一  
雛能高飛下視歎苞栩黃雀謝少年青島報阿母鳳凰  
來見稀一鳴遂千古

召對之後謹獻芻蕘感而書此

當今第一病所教非所用巖廊相期許但可稱麟鳳比  
之宋韓范便謂禍機動有司慕臺省臺省論資俸別是  
上流人巧享鈞天夢籌兵計何饒故事畢倥忽外吏久

偃蹇塞責謂采葑偶失疆塲機文深不輕縱安坐講虛  
無園通暗相奉所以談兵家目爲含口贈搶攘皂白囊  
奚補素絲縫委蛇好容身忼慨傳言諷驕將賴白駝卒  
誰肯饑凍十庫可改折首宿與民共海運可召商屯田  
宜募種監軍徒掣肘建牙當專控所言才數事左右手  
惶恐突梯忌直言植根善隆棟諸葛躬太輕胡廣道太  
重袁安但飲泣賈生安敢痛條對稍切骨他端定巧中  
廟堂不虛公唐虞枉祝頌天下岌岌矣坐見庸人送

新設屯田

廟議既不與屯田徒有名河北山東地水利難與爭當  
先布賞格有司乃奉行隱覈召民種亦須三年成吁嗟

前即風雅卷一  
恐不及不如先議兵兵既不如議田亦何由耕

訓孫  
繁霜被燕麥孤松憐鬼絲墓門有梅棘維斧以斯之生  
長亂離中父母皆乖離苦我一遺老旦暮不可知人情  
如灑瀕謠詠傷蛾眉刀俎相魚肉破巢難支持汝等既  
失學何以當波靡胝足以負藥啖血以吹壑努力作貧  
士勿謂公卿兒

### 四重行

爲蜀孝廉高守恒出獄也生題樓曰四重兼名  
其集有才使酒同里宗伯范醇敬構陷死罪予  
守嘉定鏡身爲之雪出上簿臬司閔公夢得識

### 活之蜀有雪冤錄

高生高閣題江濱四重取法楊子雲二十二萬口編貝  
鄴架圖史何紛紛壺邊如意卽時洒蕭然野鶴棲鷄群  
世人欲殺正爲此翻雲覆雨迷榆枌瀘鬼彈沙賊射湧  
泉飄風溺灰下生來骯髒干九霄耻與魍魅爭幽夜飲  
章楚毒漢庭魂鑠金碎玉寧論價哀郢懷沙豈獨今今  
朝意氣還千尋拂清蛛戶簡竒字拔開鮫匣磨新鐔戚  
干會向常羊舞木石愁湮東海深君不聞沉寒不結風  
炎樹難流影郤曲吾行影與風天地虛舟亦何梗又不  
見岷濤峽浪奔谷王隨流不礙蛟龍藏期君再衍太玄  
策雲雨滿天纔觸石

錦江懷古

君不見公孫掌文王建毬錦江電激瞿塘流又不見孟  
家花蕊李家髮子夜絃聲咽明月惟有市簾留得青城  
春乖崖荅拜懷綸巾西川本是回翔地幸喜欄牛愛文  
字時人但覺司馬琴臺艷人眼不如杜陵草堂澆酒盞  
易水  
田光先生齒已衰舞陽少年膽未煉碣宮之社方欲灰  
滴池之識方欲燄漸離之目可母薰於期之頭可母獻  
此是司馬子長自作歌至今易水風揚波

雍古雍門歎

冬風蕭蕭洹長安朝亦寒暮亦寒馬上何人輕鞍而貂

冠邊朔多狂沙凍甲何攢攢番戍日以久雙糧不足餐  
客欲上書筆墮地雍門有琴誰與彈

香油坪行

川沅楚三路進勦房縣賊楊世恩羅安邦先進  
戰勝貪功深入而余又奉閣部調回守襄相去  
八百里鞭長不及川沅近而不抹二將陣亾裂  
哉哀哉為之哭祭特疏自劾請卹

二龍久淬荆江水八捷一敗敗即死死尚殺賊嚼牙齒  
恨無救兵發一矢余調回襄八百里夷陵歸州持重是  
香油坪鬼夜鳴令箭掣電如風行可憐不用平穀城

撫獻于  
穀而叛

密議歎

楚人歌秦人舞櫓櫓衣傳兩杖鼓殿上伏機多危語密  
議知與外廷忤外廷不知乃連章以為朋黨飛嚴霜如  
先欵建乃可勦賊而楊機部爭之督師起復而黃石齋  
爭之適符先中之言而君子又畧于經濟時宜之策故  
宮中切齒朋黨  
邪正不分云

八月四日廷杖黃太史石齋解中丞石帆送獄

天衝久遏閭闔門霜飛雹毀華林園梗楠十圍莫能存  
叫號地洞搜山根夜來伏蒲縈清魂至煩午闕屯虎賁  
一呼千諾摧崑崙棟梁溝斷斧鋸痕熱血碧湧丹墀翻  
咫尺萬里帝者闔白布裹身頭戴盆欲絕不絕心微温  
公卿卷舌失聲吞走卒猙獰來追奔兒童霑淚如泉源

不然魁盜駝降幡金綃魚服傲王孫不然大帶風不捫  
癡披白帽擁紫墩不然吳門春市髡草枯僻壤呼窮猿  
吁嘻閩海濤晝昏墮顛淮上哀朝食絆足廣莫愁羊藩  
棘簷偷蔭泣窪樽刀圭一七趨趨腎土階自築處我禪  
須知剝落天成碩果恩雷聲殷殷吾道尊

一歎

市井得官口如劍東上門中草一綫厥衛日尊公卿賤  
一緩一書下詔獄黃金夜光袖相見

大梁決

賊圍大梁六七月百姓守城力且竭夜決黃河浸三板  
內外一聲同哮鬪中間知者先造船縛木乘桴如葑田

可憐居民百萬盡魚鱉脫者叙功得旌節河伯爲人雙  
解圍千古大變休歔歔

一掃

一時太宰識履聲鄭玄嶽御史府堂傳三清劉念臺張

樞民稱班行顏色不幾日斗柄一掃紛流星內有主父

偃兩家啖酒飯君子報壺餐小人舞杯槃江南人下楔

江北人出血究竟江南人賜帛止落江北一場雪陽羨

吳鹿友入拜已妬之出督未幾陽羨賜帛死放吳還籍于是井研當國

蒼天甲申三月十九北變時在濟南號絕

萬歲山折蒼天崩金鰲社鼠同一坑撞碎九闔北斗裂  
烏號射日弦斷絕增兵勦賊年復年七百萬餉如流泉

既蹂西安躡山右三關宣雲遂不抹盧攜張鎬喪天下  
依倚中人嚇仗馬問監國問遷都驚破膽徒摸餽請內  
帑請倡義總不許但咽氣九邊萬隊皆潰降不降便走  
淮渡江蒼天蒼天來此一月看石田倒地哭死張空拳

哀罪

天王聖明人臣之罪八捷一敗以鉤黨逮武陵既壞赦  
之召對裂火燒心流涕可惟擊縣鼓丞卿怒河外募兵  
請不許嗟乎鶯在梁雀在林土崩瓦解不自今勞人知  
此病深矣今日何責諸鼠子

我父一生一卷易首善書院開講席高顧鄒馮合金石  
野同歸衍犧皇策遺書半被兵燹厄此業未竟漂窶海

龍耳風雅卷十九  
風波至今未歇在進退生死無非不孝之罪星搖搖雲  
鬢鬢惟不自欺常不改書詞開藉部高國微謝合金不  
有母有母在故鄉獄中兩載憂徬徨不孝上累含飴之  
高堂顛連至今伏地何心屏風篝火空草檄悲風刮耳  
血滴滴

監國後席橐以請

濟南聞變一慟絕新設巡屯無寸鐵招義反爲奔帥劫  
老母獨子夢難訣聞建行在趨伏闕請死出使虎狼穴  
司馬薦樞貳缺東川微臣惶懼求自雪母乃擁戴餘瀨  
被一片心不敢說盤水照見犬馬血

井中鐵

崇禎末吳門浚井得鄭所南書

連江鐵函書似漆吳門浚井一旦出沉埋一十三萬日  
瓊鬼嘶叫風雨溢男兒之血本不死蛟龍蟠護千年紙  
感栗場中羽變徵咸淳淚激三江底淚無端江且乾防  
江不難防心難丸泥難塞圓通關天使井水澆人間至  
今首陽山不生周草木此語歌之古今哭

讀石齋乙丑甲申諸賢合祠記

乙丑狐鼠盜城社賢者慘死桁楊下甲申蛇豕突周京  
東序數公能結纓天鳳四十萬人後乃有屏風圖上壽  
閤門衣鉢暗相傳金甌坐喪此輩手下爲川嶽上日星  
衝霄匹練轟雷霆彼揭柄者不早計旁觀惟死垂天經  
最歎瀛公一杓水温陵錯啖平等矢群跣攘臂謝莊子

金口沐浴早切齒請看斯民歌舞秋復春請看祠堂作  
記者何如人

難易

左則黃金萬鎰嬋娟十封侯鳴玉食千邑右則鼎鑊沸  
油火熠熠哮虎叩刃四圍立慨然脫衣右邊烹不肯回  
頭左邊揖孰難孰易孰緩孰急以視公理之田園王官  
之詩集鹿門山民已作郎陸渾絃歌不相繫况復五都  
華轂時出入况復素妝牙板餐玉粒家居不出大平常  
何用傲人頭戴笠

餓

烈嬾易節婦難啼咲鏡中難久看子弟呼不應僕婢逃  
亾盡北風刺人骨南風薰人肉織布隣家不與錢撩人  
屋角喧鞦韆衣裳破守確磨日復一日忍不過所以珍  
重此一餓

乙丑忤璫削籍

不卽膏唇舌猶承浩蕩恩瓶原難假器鋤只爲當門鹿  
馬工前轍鴟梟善叫魂埋憂惟抱甕滅迹此荒園

辛巳出獄自訟

撫楚一年陵藩鞏固城池無一失者八捷一敗  
敗將且卹之而撫臣遂戍命也越一年而兩藩  
俱失皇陵震驚城邑潰敗以視前者何如乎宮  
中念之惟有刻骨



自從畫地後始更測天寬微罪遮千古深文持兩端兵  
機雖曳屣臣志竟衝冠髀肉將消盡何曾一據鞍

別黃石齋太史

百六遙知候三墳罷石渠藏經身作壁貫械血成書苦  
節徒賓戲讒言過子虛金商門下對直諫又其餘

兒來 五月九日至

萬死不汗賊銀鐺間脫身翻城棄妻子潛竄為君親兩  
髀骨猶見三號生不辰 孝陵前叩血摠是劍鋒人

太恭人葬白鹿舊穴

通天皆是罪適送北堂終老迸千年淚哀攀兩世松枕  
戈同塊土護穴得隣農白髮如何括真無地可容

水舍子得放還 壬辰冬

白頭餘獨子萬里一瓢回歷盡刀頭路親翻池底灰普  
天皆北塞抱膝即西來哭咲咽喉并連吞瓠葉盃

齊山同王虛舟姚康伯用杜牧韻

蓬壺墨落手中飛隕石奔星網太微九子連雲從袖放  
一杯浮渡隔江歸羽陵蝕土看碑字磊塊澆天蕩夕暉  
洞底潮催風雨出山生鱗甲挽人衣

塞上曲

受降城月海西雲劇幕歌兒美酒醺監院燾尊愁帥輓  
擺邊墻曲苦兵分山前獵火衝星直樓上雲笳靜夜聞  
肺附繇來恩澤重侯門氣殺李將軍

謁方正學先生祠

鍾陵松柏對蒼蒼近代南山祀太常寧可紙灰埋十族  
不將銘志屬三楊髡緇江上人何在縞素軍前獨發喪  
斷事只今依俎豆吾家書種托門墻

先五世祖伯通府君諱法中洪武應

天已卯出正學先生門爲四川斷事聞靖難投江今補祀表忠祠

金陵懷古

吳楚乘城戰未休莫輕鼎足破神州諸人盡責王夷甫  
生子當如孫仲謀已借荊州休接妹縱遊華里竟忘仇  
八公草木勞呵護聊藉東山一局留

春興長安三首

露井桃花始半丹南行千里已春殘土龍乞灑黃榆水

木鳳初垂白玉竿投璧大梁捐印綬沉金石瀨報壺餐  
相逢緩急嘗如此昏黑門頭劇孟難

漢代輪臺未詔前螭蛾狗馬雜神仙成都諛佞茅三春  
曼倩恢諧肉一肩巫客竹書通博望羽人芝草混甘泉  
金甌日卜原無缺四海空虛倍可憐  
太液池邊早望潮貪春弱柳晚垂條仗前芻豆仍供馬  
苑內金花賞射鵬拘處未虧蘇子膝瘦來非屬沈郎腰  
泰山道士誇符力關豹威威守絳霄

毘閣同曾二雲作

新亭白袷淚雙流萬斛風烟一佛樓鐘鼎有圖皆魍魎  
衣冠無地不蜉蝣人情爭刻三年楮吾道嘗披五月裘

看破金身亦芻狗傳真惟在蓼花洲

雪月梅

天公撲鼻歲寒知凍醒明光夢後悲大窖盤根藏月窟  
沙場枯木有花時白頭客倚江邊樹銀漢槎傳嶺上枝  
誰謂封條留絮地東風珍重臘前吹

江閣送劉赤存還楚

危閣臨江枕石流風生蘆葉送新愁薄寒中客單衣別  
帆影吹來九辨秋

和客傳言三首

多選中涓辦隊裝明光甲片日爭光原來第一安邊策  
只在新開內教場

百戶原酬征戰功中官子弟盡安籠少年白領能搜獲

俱得長鳴鳥扇風

近年中官弟侄得為金吾又市井白領得以搜獲為功升百戶千戶障鳥

扇喙道

先時毀像鑄銅錢後悼靈王說九蓮

皇五子病中言李太皇太后為九蓮

菩薩遂手

適遇蓮花生壁上

西庫有事佛者壁上現蓮花形傳入宮內遂大赦

金鷄竿挂赦書傳

智兒作激楚而黃東厓宋九青諸公序之

去歲空持虞顛幡公卿為汝試啼痕楚聲一發何堪讀

痛哭無非天地恩

附 吳氏令儀

字棟倩宮諭宗一公之仲女兵部侍郎方孔炤之妻也性穎慧幽閒孝翁姑相

夫教子具有儀法喜讀書史女傳作長短句隨宦閩蜀輔佐清政以善病早世親黨為之流涕

音耶屋雅卷十九  
其姑方維儀搜  
其遺稿若干首

### 嚴陵釣臺

扁舟過陵瀨富春入雲外懸崖十九泉蒼松發幽會釣竿有餘樂雲臺何足繪天子本知心故將軒冕賚

### 次幔亭道中有懷何氏女兒

新雨出多峰舟來鏡中沐美人自遠方三春隔幽谷與姊寤寐時老親有舐犢而今各差池忝命副華轂杏花柰何殤蘭枝有深哭陰陽于賢人亦已太百六今秋聞有秋料不怨饘粥福澤自因時鱗次聽寒燠我之所傷心落霞與孤鶩誰復惜鳳凰朝朝任笈簞大椿多病年見姊爲啜菽何時賦歸來山車挽雙鹿千里涕復洩輕

### 霜薄黃菊

### 寄潛夫夫子時謁選王爵

君去覓封侯金閨第一流文成知虎豹價重得驊騮詩思春歸錦鄉心月在樓素琴隨綵鷁忘却搗衣秋

### 遣懷

幾樹孤村外空船倚暮雲風來衰草色日蕩去潮紋羣雁江邊語淒猿雨後聞無端鈎月小人影各單分

### 三峽寄伯姑張夫人

三峽孤帆憶楚蘭丹崖翠壁墜雲端欲將鏡裏琴中意巧畫裙拖寄姊看

### 舟發江陵潛夫卿將自襄陽入計贈別二首

去年西蜀兩遊人春入江流花正新今日與君分燕婉  
却從歸路淚沾巾

寒風峭急雨聲長珠淚千垂不盡行莫恨石尤江泊夜  
只愁容易到襄陽

江上久泊

三暮三朝下峽愁解維還繫楚江頭鄉關有路應須到  
只恐明年又遠遊

夜

新月不來燈自照江天獨夜夢頻驚長年自是無歸思  
未必風波不可行

琴倦

獨坐舟中彈玉琴絃中山水自清音遣愁假寐驅閒思  
夢入愁城愁更深

呈姚維儀姑姊

與姑爲伴十年餘膠漆金蘭總不如憶得峨眉山下住  
相思惟有一雙魚

從家大人祇謁鯤池神道二首

細雨斜風拂面吹杏花欲謝柳新垂此行不爲憐春色  
也學清明上塚兒

一望鯤池幾斷腸輿中不語淚千行自憐身是裙釵輩  
無復年年拜墓傍

奉和伯姑張夫人如耀贈婿

尚方拔劍羨卿卿曾聽樓中兩鳳鳴  
蘭畹春風多少意紫芽初見一株榮

吳叔度

字勿銘號青芝萬曆丙辰進士少孤貧力學有大志初官工部主事人不敢干以私嘗權

杭之南關杭人鑄權政編以紀其績出知黃州府公處劇郡若無事與起文學黃人士蒸蒸蔚起盜起黃梅梅令叩方畧公曰此鳥合易與急之則瑕者堅矣單騎往諭果即時解散有同年生修小隙中蜚語左官光州守光故公族父一介公舊守地治聲前後輝映人稱為大小馮君云再入為工部郎黃人至今祀之

署中雜咏

赤壁高千尺寒峰對曉衙  
日閒調鶴息官冷看梅花  
榻靜三湘客棠生六郡家  
自知庭少訟誰遣鳥爭譁

歸興

明時甘隱計吾道未全非  
宦影雲千片棠陰樹幾圍  
青山尋夢穩粉蕨入園肥  
滿篋捎雲錄有課士何煩載石

入黃州

五馬春星帶日華頻呼父老問桑麻  
江黃剽習難為吏琴鶴輕裝易挈家  
濡筆近摹蘇氏帖登樓好看雪堂花  
懸知署靜多休暇臥讀離騷懶放衙

別黃州

海門濤湧接扁舟攜得詩瓢自唱酬  
寒碧野棠留縞帶竹樓新雨別黃州  
秋尊宦味三餐穩滄海人情百折流  
莫怨軒鴻飛去疾公麟有約在林丘

紅梅

坐對晴光絳色分淡烟疎雨點窓紋竟將瓊玉山山雪  
幻作胭脂片片雲霞起赤城翻素笛步搖金谷壓紅裙  
珠簾月下珊瑚影桃李無言早讓君

采蓮詞五首

早起舉芳戲淺沙低聲密約早還家回船休摘雙頭蓋  
怕對孤鸞鏡裡花

一番秋色蕩溪光荷葉田田花更香采得滿船姑舅喜  
空拋蓮子落儂房

郭外蓮花勝若耶村粧寧敢競容華不知堤上人如許  
只看儂身不看花

夫遠家貧藿食難剝將蓮實代姑餐更憐蓮葉清如水  
照得儂心徹底寒

落月啼鳥喚小蠻沙頭步步印花斑誰知風起蓮舟疾  
墜却金釵碧水灣

方大階

字景玄家貧以筆耕糊口始于桐繼歷舒閩  
燕越卒流寓金陵初為從孫密之童子師中  
丞公雅推重之所著有逸叟隨筆錄自為序云老  
夫二子長補諸生一孫十有三歲粗習經書後先  
俱歿老夫年七十餘煢然無傳倘有念老夫此集  
者錄其什一足延姓各于不朽然必附之門下之  
康成否則亦歸之于烏有而已其自序如此可哀也

讀潛夫太姥山記

高手寫山形山形爛滿冊竹樹半隱嵐層巒如列戟閃  
爍仙靈居崑崙發來脉大巖環以峙小巖幽且窄三十

音耶風雅卷十九  
六峰頭搜竒更可索捫蘿一線天夾壁露微隙懸崖洞  
中泉旱潦滴繹繹又見蓮花排可觀不可摘藍溪水潺  
潺皎潔如白石摩霄頂上看海日東方赤昔有維舟者  
忽夢風雨夕消氛爲前驅鸞笙聲奕奕乘龍上碧空蟬  
蛻凡魂魄荒塚沒烟雲千古太姥宅

月夜與吳士新聞話

空庭酒一壺萬事都脫卸丈夫貴知心語言却似蔗金  
蟾滿屋梁銀漢挂臺榭謔浪興何窮那知過午夜

悲秋

涼氣滿江城蕭蕭落木聲一年秋又過百事夜偏生遊  
子浮雲意飛鴻故國情獨嗟雙鬢短羞逐少年行

能仁寺訪奕于

問訊能仁寺雲山一徑深松風吹客面池月印禪心寶  
殿搖旛影瑤龕響梵音經年坐城市到此愜幽尋

過黃陂湖

連朝留古岸風送過黃陂迎權荷爭媚依堤柳遞移浮  
光天更遠落影鳥還遲此日鄉園近何須歎別離

漁父

自在江頭對落暉垂綸終日坐苔磯片帆風挂青山動  
一權烟含白鳥飛楊柳溪邊尋醉處蒹葭叢裏放歌歸  
四時不定陰晴日預剪新簑織雨衣

樵叟



筋骨雖勞不肯閒懸崖絕壁亦躋攀忙將利斧和雲斫  
擔得生柴帶月還忽發高歌喧谷口却驚宿鳥噪林間  
老妻稚子休相問來日鷄鳴又入山  
夜與姚汝碩飲賦此  
宴坐書堂興未闌故人今夜劇相懽風迴踈竹秋聲細  
月照高樓夜色寒四海風塵愁裡過百年意氣醉時看  
連牀已見情無限流水如今不浪彈

舟中卽事

暮春三月水東流落日乘風下石頭有客却思張翰鱸  
何人能共李膺舟愁聽積雨鳴江閣興到攜錢上酒樓  
瞥對晚霞幽意愜佇看杜若滿汀洲

九日喬莊寄奕于

去年白下好登臺此日荒村雨未開數雁分行沾濕去  
群鳥列陣過林來何辜落帽開懷興難售衝泥濟勝才  
應有江州刺史酒籬邊共醉菊花杯

愁吟

江北何多難連年不解兵可憐蓬髮客愁向異鄉生  
天上看明月人間對落花相憐只一影那可更無家  
三萬六千日百年七十春嗟嗟吾老矣欲傍是何人

春郊傷亂

東風習習日荒荒野外凋殘空晝長到處人家烟火斷  
只存桃李弄春光

江上吟

颯颯寒風拍岸秋一行塞雁落沙頭烟村樹裏人行出  
且喚停舟上酒樓

吳紹奇

字淑甫號雲間大參皖山公之孫也少失恃

事繼母以順聞負笈遊學屢試不售遂遊荆湘湖武夷歷錢塘渡淮泗入京師客內弟齊太史君求邸中間為太史捉刀館課見賞于樞府孫公承宗一時名滿長安鉅公碩輔咸折輩行與定交未幾丁艱歸會里中兵荒海臻杜門掃軌以吟咏自適或與二三義舊往還唱和家無擔石晏如也年八十四歲終所著有撫松集二十卷藏于家

冬居漫興

日短過墻速山家冷不嫌含風飭果脆  
老多無律書殘半有籤焚香室將暖獨坐好垂簾

螢

忽向籬邊遶還從井畔飛雨昏光不滅露重影猶微伴

讀來書舍窺眠入翠幃黃花秋老後未識汝何歸

浦口

水市千門列江村萬井通馬嘶流水外人語夕陽中雪  
浪高吹樹蒲帆軟趁風故鄉天際遠雙目送飛鴻

閒窓

嬾只支頤坐閒惟展卷看字昏愁眼眩髮少覺頭寒濕  
爽侵虛檻陰雲扶遠巒放歌聊自適漉酒共誰歡

舟次桐廬

劃水惟蒼岫環村盡麥田沙明兩听日犬吠一林烟入  
夢莊周蝶浮踪范蠡船故園消息斷漫賦遠遊篇

初度

仲夏槐陰結蹉跎暮景新懶從天性慣家是昔年貧負  
郭無遺畝臨流有釣綸不知懸矢後能得幾康辰

汪羽年見過小飲

霽日蓬扉啟忘年畏友來淘沙炊午飯剪韭佐春杯著  
草心猶壯餐霞志欲灰香山如結社選勝日追陪

編籬

負郭幽居僻編籬接短墻種瓜看蔓引栽菊待花黃犬  
吠驚殘月鷄栖起夕陽貧家隨分事世外得清狂

飄泊

飄泊渾疑泛五湖罟師漁父是吾徒雲開遠岫青螺出

浪靜平江白練鋪聽去晴鳩啼麥隴望來野鶴下平蕪  
江南處處棲遲好嬾問桐鄉舊酒罏

移居

啼鶯換谷欲何歸壁立蕭然祇四圍一任題門皆鳳字  
誰言居巷是烏衣雪殘荒圃新蔬少火蒸貧厨敗葉稀  
獨有蠹魚書數卷擁爐披對送餘暉

焦山

酒酣藜杖任携扶大壑藏山石壁孤地擁靈珠明寶像  
江搖匹練漾金鋪帆檣掛影龜鼉避浦樹蒸晴鶴鶴呼  
便好一窩淹歲月采真何處是方壺

毘陵客興

音賦風雅卷十九  
終朝生事付棋枰四壁歸來似馬卿  
帆席未隨流水去  
鼓鐘偏向戍樓鳴  
夢回草榻三更雨  
與盡芳園幾樹鶯  
悵望蘼蕪何處綠  
遠峰別淑正關情  
八句初度三首  
八十年華轉睫過  
回思往事惜蹉跎  
時危楚璞徒含泣  
老去秦箏亦罷歌  
雪月半窻堆蠹簡  
羲皇一枕臥烟蘿  
叨逢弧矢嘗懸戶  
晚景徜徉欲挽戈  
少壯無成老不如  
喜存筋力屈能舒  
登山不用頻扶杖  
拂紙猶能細作書  
好句敲殘窻外月  
閒杯摘盡圃中蔬  
康辰得再邀天假  
飽讀遺編學蠹魚  
世路多艱獨掩門  
一廬終老竹爲樊  
春深圃甲頻除蔓

雪霽庭欄亦負暄  
薜荔衣成勝製錦  
松花飯熟當蒸豚  
數餐飽後含飴弄  
遶膝知誰袖簡存

秋晚山尋

手携鳩杖入林巒  
葯斲芝房次第看  
竹外生烟迷鳥路  
寺門秋水狎漁竿  
芙蓉浥露花全放  
躑躅因風葉半殘  
箕踞一尊懷欲遣  
恐驚搖落不成懽

述懷

星霜歷徧歲將除  
老至誰憐未定居  
借去綈袍甘自擁  
得來好句倩人書  
床頭金盡難沽酒  
雨後園荒欲種蔬  
往事低徊無一慰  
長門空擬賦相如

雲岳山人久住獅子山  
將赴匡廬詩以送別

窟中獅子久淹留，惜別禪關歲月徂。  
五載半窓虛九子，三秋一葦渡雙孤。  
金輪峰轉溪聲壯，石砌墻開竹樹扶。  
翹首雲山成勝事，風塵還是舊頭顱。  
同友人飲秦淮酒樓  
秦淮水漲鱗魚肥，滿店楊花作絮飛。  
日暮酒闌無箇事，渡頭閒數畫船歸。

初田

三日四郊白一片，再來兩眼綠千疇。  
田夫誇得新來種，媪婦歌翻別樣謳。

咏遊女二首

並肩倚步踏歌來，色色羅襦稱體裁。  
誤入狹斜逢俠少，

齊紈掩袖一時迴

桃花映日柳含烟，少婦明粧送佛錢。  
踏徧香臺情未已，相呼又上武陵船。

王曰都

字合虛邑諸生博雅能文制行淳直鄉里以彥方歸之

秋望

自覺與清秋新來多，意况天雲淡淡浮。  
潦水陰陰漾冷露，白人烟晚暉紫疊嶂。  
杖頭萬慮消遊目，川原上

秋夜

清秋明夜月影入，伴孤眠幽意爲誰愜。  
閒心應自憐雁聲秋，露冷梧浥帶星娟。  
起趁空明色徘徊竹樹邊。

登齊山

爲探齊山勝扶鳩過大堤蒼崖蘿纈引青壁字高題湖  
色分嵐影江雲掠石梯登臨興不淺沽酒入清溪

客中雜咏

信陵公子昔稱賢七十侯嬴慕執鞭豈謂荊州慳一識  
自將甫老人三川來思江上飛蝴蝶歸去山中喚杜鵑  
何日錦堂將進酒虎頭萬里勒燕然

旅夜

客子滯他鄉夜來思百疊簷頭側耳聽雨落驚風葉

木蘭花

白玉仙姬出紫房齊宮紈袖越羅裳星姑月姊偏相傍  
愁殺封姨十八娘

春遊

強扶筇杖入春山柳碧花明事等閒拚飲屠蘇消磊塊  
醉時遣去醒時還

曉夢

幽棲懶性恰相宜曉夢從酣日上遲門外應無車馬跡  
綠陰深處囀黃鸝

江上二首

短髮蕭蕭仗短筇潯陽江上看廬峰江州司馬今如在  
淚濕青衫定幾重

不識廬山真面目只緣身在此山中子瞻此語誰叅得  
試向東林問遠公

早春

南北山頭雪未消  
天風猶自帶寒驕  
前堤恰見青青色  
何事春光愛柳條

卽事

蕭蕭夜雨酒杯傾  
擁被酣眠到五更  
枕上夢回無个事  
竹林啼鳥兩三聲

春遊

三月春光遍野城  
花飛蝶鬧不勝情  
杖頭解出青蚨百  
載酒西林徃聽鶯

美人曉粧

鸚鵡樓頭喚曉粧  
雲鬟委地稱身長  
蘭湯洗却殘脂膩

簾外風來別院香

舟行

彩鷁西飛青翰歌  
東湖風景夜如何  
黃頭不識歸情懶  
呶啞齊聲罵孟婆

贈友

故人何幸古稀餘  
酒滿清尊架滿書  
好向堦前弄明月  
天風桂子落前除

迎春二首

招招邛友向堤遊  
春日迎春皖水頭  
摘得柳條鞭樣大  
來朝約共打春牛

瞥見梅花臘盡開  
遊人爭說探春回  
山翁亦有皤然鬢

可道年光頭上來  
遊人半滿潯春回  
山餘衣木韻然  
水漫興

無功不為學士  
戀嗣宗豈是步兵  
才五斗當年如是酒  
淵明應不賦歸來

竹枝詞

翡翠雙飛不待呼  
鴛鴦並宿幾曾孤  
生憎寶帶橋頭水  
半入吳江半太湖

龍眠風雅卷二十目錄

木厓潘 江蜀藻輯

梁溪錢肅澗 礎日 叅

同里方若琮 宗玉

姚氏宛 二十二首

胡效憲 六首

左光先 三首

方孔時 一首

錢澗 三首

姚孫桀 三十八首

齊心奉 二十首

倪嘉善 十二首

吳用寬 一首

戴時翔 八首



龍眠風雅卷二十一

木厓潘 江蜀藻輯

姚孫渠

字心甫號石嶺天啟壬戌進士副憲芳麓公之子也初筮龍游知縣縣多竹樹大工採辦為民患公力請停之仍蘇其賦再補晉江瀕海地多斤鹵水漲為鹹潦所淤田稿民饑公捐募糴賑全活甚眾擢監察御史章奏悉中時弊錦衣項震酬醉殺妻公立訊服辜而震為柄國私人觸忌左遷尋備兵漳南故相國林鶴灘遺產為勢家所奪讞而歸之復中蜚語左遷公視一官泊如而為德于鄉知無不為賑荒繕牌尤其大者官至尚寶卿與其弟樞部孫棻同日祀瞽宗鄉里榮之

久雨新霽喜殷氏兄弟邀飲

閉門十日陰門前喧屐齒已聞前谿漲更見屬垣圯曜  
靈胡匿輝風雨橫如駛暮霞從東來欣然報晴美翼日  
覩朝暉羈懷粗可理散步下檐楹邂逅逢之子相邀醉

甕頭到院鳥聲喜狂譚盡一石莫逆笑相視醉翁意不  
在歌者聲且止把袂未能別初月射軒几

雨中旅况

春色看將盡離情兼雨天掩扇無一客堆案有殘編急  
溜苔全損繁陰花欲眠關心惟斗酒時解杖頭錢

車中漫紀

鷄鳴盥櫛罷小憩待晨曦荒歲時聞戒征途敢載馳流  
亡官道遍號涕夜猿知歎息驅車去風高木脫時  
洊饑生計盡百室坐難支兒女含悽鬻鄉關忍淚辭荒  
原寧有粒野樹半無皮不及翔空鳥尋巢返故枝  
馬上逢人問前途利往無據鞍聽告誠結侶貴招呼世

亂裝寧儉時躑路莫趨纔聞兵使者選銳出車徒  
晨興寒氣肅行李倍淒清非雨還成濕雖霜不易晴郊  
原分馬色村落辨鷄聲冥坐了無著幽懷任所生  
辛苦黃河水蕭條遠客情望涯催渡進迴權避水行碧  
漾波千頃寒連鴈一聲七年重過此心緒百端生  
斜陽猶在樹暴客闕前岡世事寧堪道民情轉可傷亂  
荒關氣數險阻惕行藏衰草寒烟際驅車怯路長  
稍覺霜威解郊原靜不風平蕪嘶倦馬古戍掠征鴻帆  
影寒流外人烟落照中徐膝雖劃界艱食恐相同  
四牡曾聞咏今應廢此詩安居郵吏傲野宿使臣危樽  
節虛宵旰追呼仍怨咨頻年裁省詔曾否益公私

滿目多兵氣蕭蕭車馬間客心殊未定雲影自能閒碑  
老泥封字溪寒凍作斑臨街先問酒相仗慰愁顏  
驅馳朝復暮車轍未遑停人閱關河疊山凋齊魯青垂  
藤依砌老歸鳥入烟冥于役偕家倩風霜怯乍經  
早歲行鄒魯今猶負此山峰容窺磊落人事隔躋攀放  
過慚身到吟成遣夢閒春風歸策蹇好入翠微間  
觸目見荒殘無嗟行路難王程方恐後旅食敢求安月  
黑孤村冷星移獨夜看小臣趨獻壽應說外邊寒  
茅店孤燈黯繩牀旅夢安不知一夜雪但覺五更寒際  
曉山山白因風樹樹殘憂時應紀瑞朋輩勸加餐  
雪霽寒威在稜稜透敝裘客懷鄉縣積汶水古今流所

至皆虞寇相逢盡說愁夜闌村犬吠鈴柝鬧前頭  
行行還且止兀坐奈愁何人語驚風鶴村扉掩薜蘿晚  
來寒乍緊天意雪居多倚榻時看劍余將發浩歌  
隔宿邀同侶平明盍去諸日高城啓宴風急馬行徐怯  
怯過前嶺頻頻問後車薊門千里道極目正愁予  
大索元兇得聲靈仗九天櫬槍今始掃烽火昨猶傳鳥  
啄殘枝雪人炊破屋烟艱難需善後僉曰大夫賢  
野曠路沉沉長征罷苦吟暮天殘照影荒歲遠行心寒  
犬吠深巷踈燈出暝林一枝欣可借塵土各盈襟  
朔風吹曉雪野望入蕭森遙憶閨中語應憐陌上吟愁  
隨砧共切寒與夢方深筆墨粗能習寧忘寄遠音

一望炊烟絕沿途襁負多監門方有繪齊右久無歌雪  
勢深趨谷冰痕淺綴柯昏昏連曉暮歲月感蹉跎  
歲晏寒飈急自然銷旅魂懷多紛有觸緒渺冷無言鳥  
集烟邊樹人歸雪後村獨憐橋畔寺車馬閱朝昏  
殘霰帶深霧彌天障客程蒼茫見人影斷續聽車聲凍  
鳥飛還墮危橋踏乍驚高林徐辨色夾道玉粧成  
初日照高樹前山霧始開怒飈一以發寒氣轉相催野  
色遙難卽羈愁莽欲來故人居不遠去去好銜盃  
四載與君別離懷相向深晤當冬杪日交本歲寒心呼  
火耐行色開樽披素襟前軒方掃榻剪燭恣高吟  
颯沓狂飈起彌空十丈塵晦將迷曠野寒倍集征人躑

躑嗟行路浮沉媿此身何當謝簪紱江海任垂綸  
漠漠長堤晚霏微雪意勻釀寒凄樹色飄濕浣車塵天  
近年偏稔人閒興不貧酒帘欣入望得句亦清新  
庭際月初上少焉盈我衣待看傷遠別欲睡奈清輝靜  
覺更聲徹寒驚酒力微連宵光漸滿幽賞亦相依  
呼嵩來萬里城闕晚烟屯雪逐勞人駕塵封蕭寺門僧  
閒堪假榻友過恰呼尊執手家林話平安首一言

同友人携酒遊龍山作

携尊出郭喜初晴佳氣時從杖底迎山色千重青藹藹  
水光四面碧盈盈人留逸致碑長在

羅近溪先生舊令太湖山上多其遺蹟

蹟鬼幻竒工石怒生

中流多怪石

薄暮迴船逢勝處故停榜

樾促歌聲

九江雨中呈計部石軫餘年丈

粉署平臨雲水間使君不媿古爲關  
千重帆影看無恙一帶波光與閒杖  
履儘同盈座客匡廬指是對門山  
尚憐蕭寺愁風雨爲報晴遊慰旅顏

贈別

自憑忠信閱風波轉以咨嗟發嘯歌  
左省久傳新獻納中朝猶問舊催科  
露雷摠戴君恩重烟月還供吏隱多  
同病天涯離緒黯商量出處却如何

上虞道中

舍櫂登車亦自閒郊原歷歷當躋攀  
山俱入畫青千疊河僅容舸碧一灣  
楊柳斷橋窺馬度薜蘿幽徑見僧還  
便將解綬同漁父松月谿雲枕席間

午過明珠菴時旱甚望雨

四圍山色萬疇田小築禪林拂午烟  
竹路透迤人不覺草堂虛寂坐堪延  
黃鸝聲裏銷清夢碧樹陰中引暗泉  
邂逅老農蒿目甚只將雨澤望高天

蕪陰過汪君酬邸中值其初度時予將有荆南之

行

江城楓葉晚烟勻好友先予到幾旬  
握手各詢經月狀開尊正值降申辰  
園林秋老黃花醉山水懷多彩筆新  
天氣殊佳君且住自憐又作遠行人

西塞山紀遊同吳槃谷邢愷之朱右立王摠卿及  
姪若侯  
危崖孤峙碧嶙峋古木陰森俯白蘋繞徑雲深龍窟寺  
攀林霜冷鹿皮巾亭銜大壑波光遠竹引層梯岫色新  
不是石尤延勝集輕舸誰問武陵津

謁五祖道場

山標千載勝花衍五枝遙至理本來寂真身出外超林  
深風肅肅洞古日蕭蕭問訊來幽鳥叅宗及野樵層臺  
高出峽飛瀑暗通橋吳楚當窓接江湖一望饒遊人遲  
晚景老衲話前朝

**姚氏苑**

字脩碧壘卿石嶺公之女進士文熊之姊  
國學張茂稷之妻也幼讀書史好吟咏端  
莊柔順不輕言笑年十五歸茂稷閨中唱和如  
良友焉年二十三而天自署所居曰緘秋閣有  
緘秋閣詩稿其病中別  
夫子詩最爲苑林傳誦

送子莚入都

四隣唱鷄聲紗窓報天曙何事心慘傷遊子今日去別  
緒分亂絲嗾咽不能語目送出房門中懷似刀鋸淚下  
掩羅衫兩袖無乾處

小年夜同子莚侍飲北堂限韻

兩兩青春伴依依白髮前燈花開半夜爆竹送殘年換  
酒黃金釧題詩白玉箋羹湯親手作頻到小厨邊

初春

妝成離曉鏡簾幙日遲遲書帙成堆處茶鑪自煮時雲

穿當戶影風弄隔墻枝幾曲欄干徑春寒不可支

倚欄

倚欄渾不語何事轉愁賒畏病思身後傷情憶母家遠  
山屯暮雨細溜濕輕紗靜裡翻書帙篇中夾落花

隨子菟遊石門冲

同挽鹿車去行行渡石溪三春花事畢一路杜鵑啼樹  
合青天小山高白日低他年卜偕隱此處足安棲

晏起

風雨淒淒繡幙垂啼霜鳥鵲遶寒枝愁心不耐醒來早  
病骨難扶睡起遲休把鳳釵重理鬢且將鴻案效齊眉  
凭欄多少庭前樹一陣風來葉盡離

賦得秋天不肯明

單衾初怯五更霜遙聽清砧泪幾行落葉捲風聲慘切  
哀鴻啼月夢徬徨短檠欲續經宵焰殘火猶温隔夜香  
盼得曙光驚坐起自憐弱影襯繩牀

堦下孤梅步子菟韻二首

和蕊和花壓短墻已經殘雪又殘陽影眠紙帳隨琴寂  
魂入蘆簾拂袖香瘦最可憐非是病寒真無耐不成妝  
曾聞三百林逋樹此似林逋第幾行

斜對牕櫺正對墻一枝初放占春陽倒垂入鏡窺鸞影  
低亞侵書染蠹香卧月漫勞留夜夢因風誰令點晨妝  
自知不畏封姨妬結伴原無姊妹行

秋日病中送望侯弟應試秣陵

文星熠熠下江湄喜極關心淚忽垂好事暫離何所恨  
危疴相送覺堪悲臨行叮囑無多語努力功名及少時  
笑指庭前雙桂樹此花爛熳是佳期

病中呈子莪

強下匡床曳布裙頽然一拜道慙勤今生未必能偕老  
有子須知不負君好樹著花花著雨韶光如夢夢如雲  
哀鳴欲學辭巢鳥先自悲涼不忍聞

雪燈

素影移來玉斗寒光凍破明珠皓月庭前螢火琉璃瓶  
底珊瑚

蠟炬翻嫌有淚銀缸何處尋灰寶鏡朱顏獨照芙蓉碧  
水初開

讀小青詩

數首新詩雨夜聽卿卿夢續牡丹亭天公做得風流巧  
不妬何由見小青

代子莪悼小鬟詩八首

集唐

杏花踈雨立黃昏金屋無人見淚痕風景蒼蒼多少恨  
殘陽細艸哭新魂

今日殘花昨日開野塘晴煖獨徘徊憶君淚落東流水  
一寸相思一寸灰

碧窻斜月靄餘暉物在人亾事已非無限春愁莫相問



青眼風雅卷二十一  
杜鵑啼處淚沾衣  
寂寥珠翠想遺聲未及酬恩隔死生三尺孤墳何處是  
烟花零落過清明  
零落殘魂倍闇然不知何處是西天紅顏未老恩先斷  
繡被焚香獨自眠  
洞房簾幙至今垂春到人間揔未知誰道五絲能續命  
留君不住益凄其  
金屋無人螢火流夜來携手夢同遊鈿蟬釵雁皆零落  
埋骨成灰恨未休  
泣雨傷春翠黛殘更無人倚玉欄干此情可待成追憶  
想像精靈欲見難

齊心孝

字君求號未孩萬曆壬子舉應天鄉試第三  
天啟壬戌成進士官庶常時與選黃石齋倪  
鴻寶皆嶽嶽知名士館試輒冠其上少敏惠以神  
童稱與人角莠雖長老皆退避三舍每得題閉目  
凝思纔彈指間便伸紙疾書文不加點莠苑傳  
誦陞翰林院編修卒于官一子早世遂無傳

初至爽園

閒雲舒素朝爽氣麗初旭英英出榛莽待我西山曲賞  
心自疇昔放意何局促幽窺尋曲蹊高臨展遐矚芊眠  
藉晚芳檀欒蔭深綠鳥弄管絃音泉振琮琤玉煩襟託  
勝區持此遺暑溽

翠微亭夜坐

薄遊乘暝色坐久夜初交娟娟上弦月亭亭高樹梢清  
影落衣上宛若盤螭蛟

納涼作

雨歇空山夜高館有餘清涼風起襟袖嗒然坐前楹天宇淨若洗皎鏡月初生林端衆鳥靜草際孤螢征方此謝塵累適我幽居情

女郎沙蘭英夙有從予之約丙辰冬予過白下因

題鴛鴦枕示予予亦漫賦答之

妾本水中蓮蓮心如妾苦君比水中鴛越在寒江潯願言藕絲長長繫鴛鴦羽

密彩文其身淡綠寫其鬢汲汲相隨心丹青描不徹流水落蓮花人間好紅葉

牡丹亭次坡公韻

東坡把筆東風時東風散入東坡詩東坡一去何時返東風千載空相知山水清音無窮已琴操如花悵已矣我來亭上弔風流烟雨茫茫愁萬里

題武陵主人壁上

三尺青萍氣欲吼狂奴挾之風塵走霜花雪花拂劍花山魅海怪不敢吐長安兩度未雄飛斗牛光曄空盈肘朝遊秣陵暮武陵武陵青蚨換賢酒痛飲十千讀離騷生平肝胆向誰剖正爾浩歎作悲歌倏忽大叫開笑口主人視之太顛狂予曰噫嘻君知否予出無車食無魚予四無壁十無畝予墨乃莊筆乃耘予笥在腹翮在手鷓鴣聊借一枝棲神龍豈是喪家狗兩字馬牛任人呼

一雙青白眼如斗且倚酒壚衣犢禪富貴於我乎何有  
悠悠世路孰深交司馬長卿予良友

下第出都門遇雨

霖雨堪同濟泥塗悵獨歸黃金應散盡白璧詎知希自  
昔文章是于今時代非如何天下事偏與壯心違

山齋雨後

信風調麥候凍雨急梅天几席侵嵐氣房櫳澹竹烟堦  
前群潦集樹外一泉懸兀兀過清晝棲遲託地偏

酬姑蘇王克仲年丈携女郎章文玉命酌昭慶僧

院賦詩索和

嵇生痼疾阮生途賸得昂藏氣不孤此際相知惟子晉

生平得意是醪酥怪來酒衲衝歌席斜覷花姬倚玉壺  
多少寒梅愁瘦骨也應妬殺舊姑蘇

輓曹伯樂年丈

懸弧四十事何如倏忽居諸化子虛屈殺肘邊三尺劍  
可憐閣上一床書千秋駿骨埋幽草萬里愁心命素車  
永訣卽今成隔世空餘莊蝶夢蘧蘧

翠微寺分得依字

日坐西山之翠微冷冷拂拭黃金徽音高暗逐閒雲遠  
曲盡還看衆鳥依正喜開尊邀竹韻何來曳杖叩荆扉  
故人多事猶憐我始信年來病懶非

酒中得論榜首疏

前集風雅卷二十一  
花向長安次第新一枝濃艷爲誰春消愁此地尊前酒  
解嘲今年榜樣人

與廣陵三兄還南徐州見別之作

得意桃花映曉暉彩雲還逐杏花飛殷勤但有長堤柳  
繫得青春伴我歸

贈墨客

草樹雲烟籠別思相知莫漫悵前岐百年湖海清流在  
都是游人洗硯池

宿益堂

閒邀明月過仙家網戶沉沉暗碧紗去日濃陰渾不改  
可憐新發斷腸花

答女郎沙蘭英貽鴛鴦枕

含情少婦倚紅缸繡罷鴛鴦日滿窓解得世間離別苦  
故將好鳥織成雙

贈女郎章文玉

杭州姊妹解吳歌歌罷吳儂可奈何夜夢姑蘇韋刺史  
後身卽是宋東坡

余得章文玉纔一夕耳有友人憐而奪之賦此志  
思

章姬試看章臺柳眉葉腰枝爲誰有一度春風永不離  
今朝暫落遊人手

荅麗人贈梅

紫絲頻護趙家粧花去騮嘶空斷腸若問枕邊誰解事  
多情惟有蠟梅香

胡效憲

字吉父號綏山萬曆間諸生長身玉立儀觀不凡少工文與邑屋中蔣臣一个方拱乾肅

之葉組紫若劉鴻乙雁先姚孫森繩先相友善里中有六駿之目公其首也迨諸公多貴顯彌敦義舊雖轟飲必登公上坐躬行酒炙公亦無所不可當時論兩賢之生平好學汲古不肯以口腹累人尤喜獎引寒素如吳岡卿國琦張侍御孫振皆窮約失意時鑿拔之者學士季標樓岡侍御亨成邵村皆衰然為朝著眉目見父執行必徐坐必起立必侍左右其敬禮如此所著山居詩樓岡為之序曰先生博學如倚相知人如德操道廣如陳實爛辭如屈平詩蓋出入于曹劉陸謝李杜之間者論者以為知言

和坦菴

南郭驚魂亂西州旅夢猜瞻鳥欣有託化鶴笑重來雲

物帝鄉異霜花客路催不謀今夕面到手莫辭杯

義烏東署

西閣留人久東風送雨頻好花應怯醉岐路轉憎春雁  
宥將窮越龍眠豈避秦寸心悲復咽不肯廢吟呻

戊戌元旦

七旬又八到柴關烟火叢中語大還栢葉尊開初獻歲  
菱花鏡寫舊顏顏素書一卷供奇賞柯局千番縱老頑  
膝下有兒孫有子窮來何必買青山

書懷

懶慢其為太瘦生一回攬鏡一回驚掃除白髮無長策  
領畧青山有遠情到處裁衣聊爾爾偶然伐木咏丁丁

前車風雅卷二十一  
因悲投老不更事渭水難忘釣玉璜

別雲翼

老至情癡不自裁幾年懷抱向君開心傾似灑噓枯雨  
耳熱如聞破柱雷釣講詹何掞剩水展追康樂躡重苔  
歸途十二巫峰渡不信離腸只九迴

孫魯翁招晤湖南

片檄遙從天際裁黯雲愁霧一時開多情久絕枌榆想  
覓路先從猿鳥回古薛難封康樂屐斷鴻初過子陵臺

南山吹盡天吳涸蕉鹿何煩夢裡猜

倪嘉善

字受之號瓊圃天啟壬戌進士太僕吉旋公  
之第四子也初官庶常太僕以直忤璫因請  
假養親崇禎初起翰林院簡討召對疏論君德  
甚悉朝鮮擅廢立上命草檄討之義正辭嚴推

為得體已巳 上幸太學命坐講易泰卦為目注  
者久之王考北闡文風丕振稱一時最嘗侍經筵  
進講益者三友 上問孰為益孰為損對曰堯舜  
為益非堯舜為損當宁為之改容陞左諭德卒于  
京邸所著有  
媚筆泉集

南陽微雨

舟行多喜霽偶爾連陰霧空濛乘烟艇亦具滄洲趣波  
流漸瀕洞風帆復馳驚天際逗微峰蒼茫浮遠樹村落  
傍水鄉每每狎釣具捕魚馳鳥鬼揚舲驚白鷺群生各  
有適余亦隨所寓清夜靜無喧聊以托毫素

許芳谷獲蘇公天然硯題贈

長公風流稱獨步筆精噴薄吞雲霧相傳紗縠少年行  
惟石琅玕驚一顧不用巧匠鑿山骨形質深窪天然具

音甲屋牙卷二十一  
徑尺平傾萬斛泉  
梨花霏屑炤縑素  
斗牛寶氣漫潛藏  
神物應許蛟螭護  
我公重來揚清芬  
落月屋梁疑見君  
角巾紫髯揮玄塵  
風生草閣天語聞  
解得三生石非偶  
玉斧雲斤出林藪  
物色沉埋曠年代  
一朝爲之洗塵黜  
銚賓鍊冶躍有時  
竹底瓶開書未朽  
千秋勝事擬靈光  
什襲携來比璫玖  
越石應徵使君廉  
拄笏不數南宮友  
愧我輸却墨池逋  
輕翰流就滴成枯  
何當一叩玄亭秘  
兼把瑯環玉局圖

署柏

華林舊傳二株樹  
香葉曾經鸞鳳駐  
移來丹地深處栽  
百尺干霄玉墀步  
紛披秀質自龍葱  
影橫長庭舞碧空

翠濯金莖朝吸露  
烟籠玉署晚臨風  
不隨繁葩易容色  
絳佩群仙啜其實  
最喜托根闔苑中  
雲氣蔭藹接漢宮  
古幹盤踞如虬龍  
明時方資柱石功  
泰嶽峰頭千尋起  
武侯祠前枝靡靡  
何如洞府栢蕭森  
應是三株產赤水

寒月早朝

彤闈徹曉鐘玉佩  
盡朝宗露靜清暉  
冷雲凝翠蓋重氤  
氲天雨近縹緲御  
烟濃願得吹寒谷  
輕陽護六龍

郊遊

積雨澄初霽春郊  
草欲齊離塵當勝  
地小憩愜幽棲澗  
淺新流漲峰高薄  
霧迷芳菲紅滿岸  
疑是武陵谿

偶過吳明之息園

新集風雅卷二十一  
敵閣新臨水開軒山與齊客從無意至花下喜相携石  
砌通流曲雲陰覆樹低放歌歸路晚烟鎖小谿迷

九日

牢落家居久頻逢令節過秋聲聞雁少霜意入林多幽  
思驚時換山遊奈雨何韋生高臥穩黃菊寄誰歌

元旦寓歸義寺同姪君符  
未謁金門帝來棲玉板禪僧猶傳舊臆人已識新年法  
喜厨中供鐘聲客外緣屠蘇聊應節酌爾莫辭先亦水

楓林

挂帆遵遠渚夾岸遶村家欲墜風前葉猶濃霜後花晚  
寒澄落照野色散晴霞自得深秋意毋將春色誇

雪厓南歸

數載心期爾共予無端此地欲迴車白雲夢遶親闈冷  
紫陌塵分故舊跡病骨應須求藥餌征途好便寄魚書  
從君別後空惆悵夜月寒光落照餘

玉河水泮

東風吹律早寒收天上盈盈一水流夾岸未舒宮柳色  
微澌半逐浪花浮光搖素練澄金掌響裊鳴珂繞玉樓  
此日陽春占淑氣好通太液待宸遊

堤上曲

平原一望水天迷行過淮南柳滿堤不見長條吹絮起  
還餘古幹待鴉栖



左光先

字羅生號三山忠毅公之第七弟也天啟甲子舉人遂仕綏安以異績行取授監御史

代巡兩浙廉覈官方勤恤民隱風采凜然生平不避艱險不憚威勢在忠毅伯仲之間如糾許關墨吏職逆賊許都參權奸馬貴陽皆忘身殉國守道逐邪有古大臣蹇諤之風至于在浙剔漕蠹割重罪改折弓矢顏料及錢糧苛派諸疏又其舉職之小者晚節娛情松菊未嘗隻字入公府古稱鄉先生沒而可祀于社者公足當之矣

自祭

時乙酉春作

伊余具鬚眉朴誠素所積早讀父兄書筮仕聖明季循良媿古人徵車至外吏踰格入西臺葑菲幸不棄一飯尚難忘曠恩兼大義隨膺直指命出為兩浙使兩浙財賦重凜凜勤蒞治殖禾與勗莠頗勵澄清志自惟盤錯中或可別利器詎意期及瓜侯代久不至撫軍後無人

潢池突為崇

謂許都也

東陽義烏間鞞鼓喧動地巡方不治

兵亦誓殲醜類半月遂蕩平元功歸將帥捷音馳京師咸謂命得寄年來誤國臣誤於一撫字帝曰合機宜稽勲紀其事星軺遙望闕紫薇忽焉墜群議趣南渡忍死方共事半壁僅如綫內賊猶竊轡君仇既不共兄仇且安避抗簡擊首輔渠逆似知媿封事竟留中借題恣行臆反坐殺已降惡聲徒爾被小人媚元克賢者張公議

却賴徐與祁肝膽竟無異

徐公虞求祁公世培

此時天壤間何處

容我輩魑魅必難消舌爭必不利不利固當爭生我果何為嗟乎鳥覆巢遺卵俱在地我兄先中禍復仇志未遂曾弗整前車姚平咲阿弟痛哭拜鼎湖空下孤臣淚

天上既已期一死邊再計即死奸人手豈不存浩氣吟  
成聊祭影酬爾久憔悴

神世培具揭為予白冤當時端疏公疏惟恐舊巡  
方之持兩端觀望者不獨神一人也書此志感

仗威成掃穴事定議縱橫大義竟將廢秋聲應不平幸  
存知己辨其被黨人名追理伏波謗古今無異情

同姚休那及八弟九弟守歲

蒼顏白髮共堪憐臘盡知春暖老偏好友最難借此夜  
濁醪還復祭新篇華燈影耀遲朝日爆竹聲闐逐少年  
回首不應思往事餘生守歲故人前

吳用寬

字體嚴中丞本如公之弟性雅笑每望見所知輒軒然撫掌雖笑比河清者莫不笑其笑

崇禎甲戌民亂以身為中丞藐諸孤藩屏甲申之變忼慨憤恚至不欲生宗一先生云好修力學咄咄逼人吾于體嚴則國士之休那先生云體嚴在都門偶集唐句初不展書排韻但默憶所聞觸境輒就觀者咸服其巧合兩先生之言觀之可以知公生平矣

壽客卿叔五十

談經虎觀舊知名坐愛清流老濯纓自是蓬壺天外迥  
可知簪笏夢中輕駒雖伏櫪心猶在鶴但鳴臯骨自清  
爭說新詩勝高適詞壇誰復敵長庚

方孔時

字叔茂號紫岑明經唐山公之叔子以諸生隸胄子崇禎末詣四郊多壘慨然欲上書討

賊聞者壯之南渡後知時事不可為遂終老丘園年八十餘邑令以大賓飲于鄉里人圍橋而觀有齒足酬德之稱樸巢祝山如紫岑道人歌有云老成典刑欣在座古樂聽來不敢卧洵篤論也

甲辰重陽前一日凝齋兄七十有四矣賦寄山中

皓月冰壺桂子開香風飄拂到蓬萊久辭鳳闕蒲輪詔  
尚憶羊城錦製才兄曾宰粵之清遠垂老弟兄憐矍鑠娛情丘

經任徘徊合明深處蒼生祝好咏南山歲歲杯

戴時翔

字需之號鳳臯少業儒數蹶于試遂隱居教授英六間張明經嗣美潘東陽士璜汪總戎

熙載皆出其門生平不慕仕進重然諾嚴取子里黨推爲長者爲詩不耐苦吟取適意而已

雜詩

壯士未遇時弗爲人所齒繡文刺雖工市門不可倚南  
越復北胡豈不戀鄉里擁篲掃王門懼爲知者鄙但可  
輕浮名那不急知己不見鍾子期琴以知音毀伯牙不  
復生此琴不復理不見韓淮陰胯下甘受恥漂母何人  
斯進食猶如此千金一飯恩聊以愧俗子

述懷

相士不在貧相馬不在瘦一顧遂空羣伯樂誠難邁駿  
骨已云朽猶煩千金購愛物旣如此名賢競輻輳富貴  
非不願勢利那堪就王門不可掃曳裾行亦陋所以有  
心人美玉不銜售著書歷春秋俯仰任凋茂伏櫪但需  
時千里志終副何怪駑駘才老死戀棧豆

偕吳貞甫伯仲游龍井

繞澗來龐谷依山入畫溪逢僧多問訊坐石且留題幾  
樹梅花發數聲野鳥啼林泉幽興在惆悵夕陽西

登天門山

天門雙峙砥狂瀾上下江流聳異觀水國東連吳會濶

湖鄉南接楚天寬雲光入戶衣裳潤石磴盤空杖履寒  
避暑擬來分半閣漫將去住問黃冠

謝門人趙長人見贈阮臨江花卉並歸先叔父元

泉公草書

繪事爭傳大阮長揮毫臣叔亦差彊開緘盡染烟霞色  
展軸猶聞翰墨香先子政憂無手澤草堂今幸有春光  
他時過我同幽賞半壁琴書擁竹床

寄表姪周重禪山中

欲晴不晴雨已淫欲放不放梅有情尊開美酒醇且冽  
戶刻遠峰淒以清世情反覆仍泛泛吾生得失何營營  
終須徜徉樂山水奚必浮暮公與卿

螺磯

漢賊江東笑仲謀賺歸阿姊索荊州豈知磯上魂棲處  
也見降帆出石頭

長孫刻讀上論

赤子潢池敢弄兵及今教汝學須成莫言此日惟弓馬  
半部還能治太平

錢

字澤之萬曆末諸生柳溪公之曾孫也少個  
儻負大志造門者戶屢恒滿尤慷慨尚氣節  
有慎菴畏齋  
兩公之風

不寐

愁心不成寐不寐轉成愁露冷客憎夜月明人耐秋蛩  
聲依砌出螢火傍簷流更值村春急中宵未肯休

音耳屋牙卷二十一  
晚歸

遠山銜落日驢背夕陽中望裏城烟白田間野燒紅鴉  
寒爭噪雪樹老不呼風醉看前邊路依稀似不同

醉登城樓

城樓乘醉上一步一徘徊水向東南去山從西北來樹  
頭霜月小沙嘴晚烟開何處人吹笛聲聲過敵臺

穀日郊行

偶爾踏春行欣逢穀日晴草鋪歌席軟花落舞衣輕雲  
影虛沉閣山光澹入城老農占物候說是有秋成

